


綠
槐
豔
課
曹

紫羅蘭
盒小叢
書之四



MG
I222
19



紫羅閣小叢書之四

綠窗豔課

周瘦鵲編輯

卷上

詩 五絕

縫得合歡囊密密裙頭繫儂繡鴛鴦絲郎寫芙蓉字
 將儂桃花面描上湘竹扇淚點不曾乾與君親眼看
 儂脫紅羅襦郎從窗外入道儂懷袖香春風透消息
 儂纏五色絲續命待郎面郎是菖蒲花但開難得見
 郎來不出迎隔簾空復情強呼小鬟至故使郎聽聲

綠窗豔課

少○女○牽○郎○衣○欲○言○低○俯○首○昨○夜○夢○歡○來○歡○曾○夢○儂○否○
妾○如○箔○上○蠶○郎○如○桑○上○葉○食○郎○入○妾○心○化○爲○絲○百○結○
儂○如○池○上○蓮○郎○似○蓮○中○子○風○吹○花○不○開○裏○子○入○心○裏○
採○蓮○剝○蓮○子○願○郎○咀○蓮○心○亦○知○蓮○心○苦○不○苦○情○不○深○
厭○繡○雙○鴛○鴦○花○樣○只○如○許○翻○新○繡○鶉○鴝○邀○郎○問○晴○雨○
郎○如○窗○前○月○儂○比○窗○前○花○送○郎○出○門○去○夜○夜○推○窗○紗○
灼○灼○桃○花○紅○羅○幃○吹○東○風○鬢○低○玉○釵○褪○墮○入○郎○懷○中○
蛺○蝶○探○春○回○交○翅○入○儂○室○如○何○織○織○蟲○也○要○兩○成○匹○
菱○葉○一○根○出○蓮○花○並○頭○香○持○扇○拍○郎○背○呼○郎○看○鴛○鴦○

緣 窗 題 詞

冰○簾○長○六○尺○綃○帳○如○籠○煙○趁○涼○儂○要○浴○分○付○郎○先○眠○
春○日○理○紅○妝○春○風○開○素○裳○春○月○渾○無○賴○來○照○牀○上○郎○
攜○手○大○堤○上○大○堤○女○如○玉○與○郎○說○分○明○不○得○通○眉○目○
何○用○踏○青○去○往○來○車○馬○中○與○郎○臥○繡○帳○何○處○無○春○風○
妾○坐○北○窗○下○郎○行○南○窗○前○妾○身○非○冰○山○莫○倒○懷○中○眠○
招○郎○採○蓮○去○宛○在○水○中○沚○郎○自○採○蓮○花○妾○自○採○蓮○子○
妾○有○合○歡○牀○歡○行○無○十○步○卻○笑○天○上○郎○辛○苦○河○邊○渡○
妾○在○機○中○織○歡○在○帳○中○憶○道○郎○且○安○臥○纏○綿○自○成○匹○
昨○夜○北○風○涼○郎○入○儂○懷○顫○笑○郎○莫○苦○寒○妾○有○溫○泉○煖○

空庭多積雪。繡幄自生雲。殘燈未可滅。儂欲解羅裙。
北窗清風來。枕簟涼於水。儂願爲紈扇。搖入郎懷裏。
案供博山爐。郎來添香睡。香煙似郎心。絲絲篆情字。
掛起百葉窗。窗外月如水。月下倚歡肩。泥講新聞紙。
飲歡加非茶。忘卻調牛乳。牛乳如歡甜。加非似儂苦。
歡才人不如。幾日通鞦寄。爲問蟹行書。可有鴛鴦字。
妾繡迴文錦。郎繙西字書。書中有花體。相較妾難如。
十八嫁郎君。十九郎君出。二十不歸來。今年二十一。
綠窗人語靜。小立傍妝臺。寫箇鴛鴦字。從郎索解來。

教○郎○飲○殘○酒○此○意○郎○未○知○雖○是○儂○唾○餘○中○有○甜○滋○味○
願○爲○蝴○蝶○襦○勿○作○鴛○鴦○帶○襦○貼○郎○身○邊○帶○繫○郎○腰○外○
樹○下○見○郎○來○拋○箇○青○梅○子○郎○莫○嫌○梅○酸○妾○心○亦○如○此○
賤○妾○坐○前○庭○所○歡○行○蜀○道○思○歡○不○見○歡○姑○向○空○中○抱○
錦○帶○縮○同○心○儂○瘦○不○可○束○親○手○繫○郎○腰○繫○入○郎○心○曲○
少○小○事○遊○戲○蘭○房○笑○語○頻○未○知○君○子○意○不○敢○遽○相○親○
花○飛○貼○儂○袖○拋○去○落○池○心○小○豔○不○解○事○故○自○逐○蜻○蜓○
金○風○飄○梧○桐○袷○衣○漸○知○薄○儂○冷○猶○未○禁○況○郎○體○質○弱○
熏○爐○雖○燕○郎○不○及○儂○體○暖○人○道○寒○夜○長○儂○嫌○寒○夜○短○

有花儂且插有酒郎且醉明朝是立春與郎長一歲
將來綾一幅繡出似迴文彩鳳銜花舞枝枝紅向君
儂有名香串紅珠粒粒圓贈君無一語懷此已三年
來時怯春寒去時歎春暮此心直隨君數遍去來路
少小嗜說部腹中知幾許一笑投郎懷同看茶花女
買得珊瑚杯滿盛葡萄酒飲郎還問郎醉人似儂否
亭亭嶺上枝云是相思樹誰使雙鴛鴦飛來不肯去
望望君不來庭前花又開驚風響簾幙獨坐可疑猜
非是妾生疑君來何太遲願爲江畔月同郎並馬歸

綠窗賦

鼻鼻湖邊柳春絲不盈把殷勤折贈郎好策來時馬
柳小比儂短送君拂征衣柳長覆儂屋征夫猶未歸
春江浩無底水深雲亦深雲影留江中如郎在妾心
衣淡暈微碧酒酣顏半紅郎前嬌怯慣不肯立東風
妝成每自矜容華稱獨絕恨殺小桃花與儂同一色
好鳥對東風朝朝言不足阿儂自有心恐郎或未識
雙燕亦何知故向儂前舞回頭見簾開郎立窗內語
繡枕鴛鴦依桃波疊錦被妾貌如蓮花任郎看子細
郎貌如蓮花儂心似蓮子願花長不開儂在郎心裏

采得並頭蓮。欲贈羞迴面。中有苦心多。不忍教郎見。
昨宵夢郎回。繫馬門前樹也。識夢非真。聊尋繫馬處。
歲歲寄征裳。妾能記短長。郎心似海水。深淺不可量。
但願舟無帆。但願車無輪。使吾同心侶。不爲遠行人。
秋雲薄似羅。明月皓於髮。郎情自秋雲。妾心自明月。
郎是車中人。妾爲車下輪。輪轉日隨郎。與郎共苦辛。
大千起塵勞。何處堪投止。願爲雙腫人。住君眼眶裏。
儂心堅似鐵。君意勿旁皇。灑儂頭上血。作酒令君嘗。
既許紅綾帕。何須問短長。纖腰君抱過。尺寸自思量。

君心卽妾心。肯爲別離間。音書久未來。多應少秋雁。
鴛首促歡坐。蕩舟采湖蓮。花開多並頭。掩羞不敢前。
儂如蓮之花。歡如蓮之葉。花蕤嫩且嬌。還要葉遮蔽。
團團青荷葉。葉與花相映。便欲照郎心。不堪持作鏡。
蓮花拗成杯。藕花牽作纒。杯酒醉同心。絲纒絆郎步。
嬉戲春風前。攀花作歡飾。獨有桃花枝。與歡同一色。
燕巢先妾在。燕子後儂歸。問儂何到此。問汝怎雙飛。
兩月爲新婦。珠簾乍上鉤。人前見夫婿。端底要低頭。
聞歡養原蠶。蠶少不滿筐。所得幾許絲。牽得儂心長。

繡○被○覆○歡○眠○歡○息○吹○蘭○氣○歡○去○被○長○留○三○年○作○歡○味○
斗○帳○覆○紅○羅○金○鈎○懸○兩○角○勸○歡○休○學○仙○天○上○無○此○樂○
妾○貌○花○應○羞○妾○命○花○同○薄○春○去○郎○未○歸○清○淚○和○花○落○
朔○風○初○釀○雪○寒○重○衾○如○鐵○獨○坐○倚○薰○籠○不○及○郎○心○熱○
儂○既○翦○雲○鬢○郎○亦○分○絲○髮○覓○向○無○人○處○綰○作○同○心○結○
夜○夜○不○成○寐○擁○被○啼○終○夕○郎○不○信○儂○時○但○看○枕○上○迹○
明○窗○弄○玉○指○指○甲○如○水○晶○翦○之○特○寄○郎○聊○當○攜○手○行○
金○盆○盥○素○手○焚○香○誦○普○門○來○生○何○所○願○與○郎○爲○一○身○
寒○風○響○枯○木○通○夕○不○得○臥○早○起○遣○問○郎○昨○宵○何○以○過○

輕巾手自製。顏色爛含桃。先懷儂袖裏。然後約郎腰。
儂贈綠絲衣。郎遣玉鉤子。郎欲繫儂心。儂思著郎體。
打起黃鶯兒。莫教枝上啼。啼時驚妾夢。不得到遼西。
郎寒甚。妾寒持衣向燈泣。不是手縫遲。綿多鍼線澀。
擡鏡仍嫌重。更衣又怕寒。宵分未歸帳。半睡待郎看。
最愛初三月。彎環恰似鉤。郎心鉤不轉。鉤起妾心愁。
儂作北星辰。千年無轉移。歡行白日心。朝東暮還西。
感君寄吳箋。箋上雙飛鵲。但效鵲雙飛。不效吳箋薄。
征婦語征夫。有身當殉國。君爲塞下土。妾化山頭石。

乾○坤○既○有○郎○不○可○郎○無○妾○請○郎○腰○下○劍○看○妾○頸○上○血○
郎○有○萬○里○行○不○得○隨○郎○去○待○郎○封○侯○歸○一○盞○酌○儂○墓○
嗟○我○國○無○人○日○蹙○地○百○里○死○無○葬○身○土○願○葬○郎○心○裏○
郎○有○白○狼○林○妾○有○古○龍○泉○殺○盡○誤○國○賊○同○入○崑○崙○山○
送○郎○從○軍○去○迎○郎○奏○凱○還○取○彼○敵○人○血○同○醉○瓊○瓏○杯○

詩 七絕

青○瑣○窗○前○正○午○風○聘○衣○私○試○繡○幃○中○無○端○小○妹○偷○窺○見○惹○得○芙○蓉○
透○頰○紅○

華○堂○灑○淚○別○雙○親○鼓○樂○聲○中○擁○畫○輪○一○點○靈○犀○還○自○問○悲○啼○終○假○

喜○終○真○

並○坐○微○沾○合○盞○杯○羅○幃○輕○掩○復○輕○開○阿○郎○丰○度○依○稀○認○會○向○屏○間○
偷○覷○來○

席○散○新○房○客○並○臨○談○諧○談○笑○到○宵○深○自○憐○端○坐○時○雖○暫○費○盡○於○持○
一○寸○心○

歸○房○良○夜○正○迢○迢○人○靜○檀○郎○戲○語○調○笑○說○幼○時○曾○一○見○阿○奴○年○紀○
正○垂○髻○

流○蘇○寶○帳○掩○雕○牀○無○限○温○柔○領○睡○鄉○窗○外○也○知○人○竊○聽○不○將○鶯○語○
漏○春○光○

轉○腳○歸○來○換○繡○襦○燈○前○含○笑○語○檀○奴○儂○家○姊○妹○都○清○秀○昨○日○簾○前○
得○見○無○

流○蘇○寶○帳○怯○春○寒○日○影○初○驚○上○曲○闌○鏡○裏○雙○眉○羞○學○畫○怪○郎○偏○要○
泥○人○看○

曉○妝○初○竟○換○羅○襦○問○了○姑○安○看○小○姑○惱○煞○閒○人○齊○笑○說○鳳○凰○明○歲○
可○將○雛○

翠○翹○珠○絡○七○香○車○歸○省○雙○親○笑○語○初○最○是○一○言○慙○答○應○阿○娘○私○問○
婿○何○如○

前○生○注○定○好○姻○緣○彩○盒○欣○將○定○帖○傳○私○看○鸞○庚○唾○一○笑○箇○人○與○我○

是○同○年○

脈○脈○春○情○鎖○兩○眉○阿○儂○剛○及○破○瓜○時○人○來○偶○道○郎○家○事○低○繡○紅○鞦○
伴○不○知○

祕○書○繙○盡○解○風○流○卻○扇○爭○憐○小○粉○侯○借○得○管○絃○遮○笑○語○紅○氍○步○上○
兩○低○頭○

最○難○調○護○嫁○時○娘○薰○透○紅○芸○被○角○香○已○自○羅○幃○羞○不○起○要○他○堂○上○
拜○尊○章○

乍○逢○無○處○用○溫○存○辜○負○葡○萄○酒○滿○樽○燈○底○不○須○偷○眼○望○嫁○郎○如○我○
殼○銷○魂○

洞房賓客太胡嘲鏡畔移樽索酒肴都道郎家螺黛好強挑珠珞
看眉梢

雲裳輭繡壓肩斜難禁旁人對面誇辜負踏青鞵子小卻來簪朶
並頭花

三朝堂上拜尊章阿母從他喚作娘不敢憐卿比肩坐有人屏背
悄羞郎

能詩信道女相如消受添香伴讀書惱煞外家癡阿妹牽人一處
問稱呼

同眠轉覺繡衾寬那識秋深午夢寒最是曉窗鴛枕畔紅顛無計

避郎看

宛○轉○花○陰○解○繡○襦○柔○情○一○片○未○能○無○小○姑○漸○長○應○防○覺○潛○勸○郎○收○
素○女○圖○

桂○花○天○氣○可○憐○宵○香○滿○雲○屏○暑○盡○消○一○笑○帳○中○先○祝○嘏○記○儂○生○日○
是○明○朝○

曾○把○嫦○娥○當○小○名○同○衾○人○好○是○同○庚○由○來○明○月○應○呼○姊○卻○早○檀○郎○
四○月○生○

一○稜○琥○珀○映○香○肩○茱○萸○囊○懸○翠○袖○邊○貪○看○紗○幘○涼○月○影○語○郎○今○夜○
且○分○眠○

醉○謔○無○端○一○語○撓○東○西○鴛○枕○竟○分○曹○利○那○卻○爲○紅○鉤○褪○笑○就○郎○肩○
教○繫○牢○

傍○簾○捉○得○柳○花○多○陡○覺○心○慵○懶○掃○蛾○笑○並○闌○干○攜○手○坐○與○郎○細○數○
指○問○螺○

朝○霞○如○綺○照○妝○樓○出○帳○春○蛾○淡○欲○羞○同○此○雙○彎○新○月○影○一○經○郎○畫○
便○無○愁○

豔○體○摩○挲○欲○卻○難○一○宵○深○似○一○宵○歡○笑○解○識○嬌○癡○性○嫁○得○檀○郎○
當○母○看○

會○約○西○園○載○酒○過○相○攜○團○扇○賭○新○歌○愛○郎○詩○句○清○如○雪○繡○上○梅○花○

小○幅○多○

畫○梁○漸○見○燕○將○雛○一○徑○萱○花○小○雨○滯○阿○母○書○來○羞○竟○讀○隔○年○頻○問○
有○身○無○

名○流○豈○易○得○名○姝○談○往○無○端○有○淚○珠○千○古○傷○心○誰○第○一○看○郎○題○遍○
美○人○圖○

海○棠○豔○上○綠○階○除○一○院○秋○深○落○木○初○檢○得○井○闌○紅○柿○葉○自○研○香○墨○
乞○郎○書○

乍○覺○春○寒○暖○被○池○雲○鬢○半○向○枕○邊○欹○夢○中○忽○得○消○魂○句○推○醒○蕭○郎○
索○和○詩○

乍報梅開過碧軒。檐冰徐掛玉釵痕。泥郎代取花間雪。指冷雙攜袖內溫。

掃將晴雪試煎茶。暖閣層層翠幔遮。小飲助郎詩思好。一盤生菜是梅花。

花裏房櫺月下樓。十年長擁合歡綃。枕邊細數團圓夜。除卻離家總並頭。

相偎相傍本無猜。欲近香頰卻遠開。祇恐被他愁婢見。回頭佯說有人來。

畫樓春曉燕呢喃。碧玉妝成掩鏡函。故意遣郎呼茗去。鏡屏影裏

換○羅○衫○

新○換○羅○衣○出○繡○閨○錦○屏○影○裏○笑○相○攜○怪○人○多○說○今○年○長○儂○與○郎○肩○
一○樣○齊○

索○得○銀○瓶○手○自○斟○愛○情○相○印○兩○眉○心○分○明○合○箇○杯○兒○飲○只○說○和○郎○
比○淺○深○

不○須○對○口○問○端○相○儘○數○銷○魂○鬢○角○香○要○識○芳○情○深○幾○許○耳○根○紅○處○
耐○照○量○

枕○邊○香○膩○桂○花○油○貼○體○弓○腰○一○捻○柔○知○道○郎○魂○銷○不○起○任○人○央○煞○
不○回○頭○

春情難掩是秋波。小語朦朧睡態多。枕到郎肩無氣力。儘將耳鬢細相磨。

強勸葡萄更一杯。桃花兒的暈雙回。香衾不展和衣睡。反惱檀奴故故催。

明珠入手瓣蓮開。只說春寒緊緊偎。早願投懷教撫惜。要郎支臂枕頭來。

半規新月畫樓東。幾點流螢度碧空。故著輕羅簾外立。要郎衫袖替遮風。

晚妝初罷獨徘徊。爲喜新涼舉酒杯。故作捧心花下坐。戲言小病

費○郎○猜○

試○浴○慵○妝○倚○短○闌○隔○花○吹○氣○勝○於○蘭○碧○紗○如○雪○橫○陳○夜○不○許○移○燈○
近○帳○看○

枕○邊○香○匣○侍○兒○收○倩○換○春○衫○露○腕○羞○偶○近○金○盆○雙○釧○響○誤○郎○簾○外○
又○回○頭○

乍○試○合○胎○豈○惹○湯○芙○蓉○屏○側○故○分○牀○睡○中○忽○夢○聞○呼○壓○隔○著○鴛○幃○
喚○玉○郎○

檐○馬○風○敲○夢○易○醒○銀○缸○花○落○掩○銀○屏○一○簾○春○雨○瀟○騷○甚○未○可○無○郎○
擁○髻○聽○

銀○河○一○片○掛○秋○城○爲○拜○雙○星○傍○月○行○心○字○香○燒○無○別○祝○願○郎○比○妾○
更○長○生○

閒○課○雙○鬢○種○白○蘭○支○頤○斜○倚○小○紅○闌○有○心○遮○卻○銷○魂○處○不○許○檀○奴○
子○細○看○

昨○夜○新○妝○換○繡○襦○巡○檐○小○步○倩○郎○扶○此○情○只○有○闌○干○見○笑○問○闌○干○
記○得○無○

私○願○郎○身○化○竹○竿○縱○橫○編○作○小○闌○干○待○儂○日○日○憑○闌○立○秋○月○春○花○
取○次○看○

挑○盞○銀○燈○月○滿○階○立○春○先○繡○踏○青○鞵○夜○深○欲○睡○還○無○睡○要○聽○檀○郎○

讀○紫○釵○

綠○槐○影○轉○小○闌○干○八○尺○龍○鬚○玉○簪○寒○自○把○紅○窗○開○一○扇○放○他○明○月○
枕○邊○看○

水○榭○同○攜○喚○莫○愁○一○天○涼○雨○晚○來○收○戲○將○蓮○雨○拋○池○裏○種○出○花○枝○
是○並○頭○

是○誰○看○月○是○誰○愁○深○夜○無○端○上○小○樓○已○過○日○高○還○未○起○任○教○鸚○鵡○
喚○梳○頭○

綠○陰○如○水○晝○偏○長○靜○日○簾○櫳○理○繡○忙○不○繡○尋○常○花○與○鳥○買○絲○親○自○
繡○檀○郎○

小庭一角繡春華。移碧裁紅樂事賒。別有俊懷誰解得。璇閨種遍憶儂花。

海棠花露染胭脂。細界朱闌六格絲。十幅愛情新畫片。泥郎題遍豔情詩。

短袖羅衫妙入時。玉儂心性最嬌癡。雙擎皓腕明於雪。笑向檀奴索劍兒。

薄羅寶篋影翩翩。珠襪香腰分外妍。喚起紅兒裝束好。牡丹棚下打秋千。

課花纔罷日西銜。綳子拋開倚枕函。小飲不防深睡去。被郎偷解

鳳凰衫

低垂銀蒜護。不慮子細思量。刺繡遲刻。蠟自嫌春夜。永金鈴小架。弄獨兒。

牙梳銜鬢恰如鉤。頰暈紅潮不爲羞。幾度低徊強忍笑。泥他夫婿看梳頭。

奩匣初開訝更疑。誰將宮粉雜焉支。忽然憶著檀郎誤。故意佯瞋罵侍兒。

偶因夫婿送橫波。一笑嫣然展翠蛾。嬰武隔簾調慧舌。誤將奴喚作哥哥。

萱○草○盈○盈○傍○砌○生○拈○題○分○韻○賦○金○英○含○情○羞○寫○宜○男○字○只○畧○忘○憂○
作○別○名○

小○朵○櫻○桃○折○得○不○無○人○窺○見○綠○蛾○愁○玉○階○喚○殺○紅○嬰○武○不○是○歡○來○
不○轉○頭○

臉○波○藏○卻○媚○霞○痕○只○露○雙○肩○削○玉○溫○心○自○向○君○身○自○背○省○他○一○見○
一○銷○魂○

低○鬟○風○致○暗○徘徊○小○立○迴○廊○暝○色○催○趁○著○銀○燈○剛○未○上○伴○伴○偷○近○
玉○郎○來○

手○拳○芍○藥○坐○凝○思○地○久○天○長○在○後○時○只○寫○靈○飛○經○數○字○無○人○知○道○

定情詩

湘○簾○跨○出○尚○逡○巡○要○使○郎○看○要○避○人○立○近○小○紅○窗○一○角○半○容○嬌○眼○
半○遮○身○

聞○郎○聲○息○畫○樓○過○偷○露○梨花○半○面○多○莫○恨○全○身○看○未○足○情○辭○都○已○
在○微○波○

碧○甌○親○自○搗○雲○漿○暗○度○華○池○玉○液○香○口○口○願○郎○都○吸○盡○莫○畱○點○滴○
與○人○嘗○

略○掀○簾○子○露○微○翠○卻○恐○銷○魂○看○未○真○儂○有○小○鬟○郎○有○伴○一○般○俱○礙○
作○閒○人○

一○春○玉○惹○閉○翠○眉○聲○息○何○曾○外○院○知○今○日○花○前○扶○病○出○要○郎○知○道○
減○輕○時○

兩○情○相○敬○久○如○賓○卻○隔○重○樓○迹○未○親○望○見○佯○佯○先○立○起○旁○人○只○道○
避○生○人○

畫○堂○相○見○倍○矜○嚴○眼○角○眉○梢○盡○避○嫌○六○幅○湘○裙○風○不○動○暗○傳○心○事○
與○鞦○尖○

含○情○低○首○不○輕○擡○還○恐○當○窗○女○伴○猜○趁○著○金○鍼○重○度○候○看○郎○偷○眼○
看○儂○來○

解○唱○蕭○郎○自○作○詞○教○人○緩○按○玉○參○差○詞○中○與○妾○相○關○處○減○字○偷○聲○

出。口。遲。

閒。情。無。那。上。眉。頭。桂。葉。雙。描。滿。鏡。秋。欲。得。郎。憐。嬌。不。語。手。拈。裙。帶。
學。春。愁。

泥。郎。清。夜。賭。樞。棋。金。餅。錢。銖。匪。我。思。妾。負。乞。君。雙。繡。履。郎。輸。貽。我。
十。香。詞。

自。掃。雙。蛾。對。鏡。臺。離。愁。多。上。遠。山。來。妾。爲。金。鎖。郎。銀。鑰。得。見。郎。時。
鎖。卽。開。

二。七。韶。年。始。上。頭。團。圓。寶。髻。學。蘇。州。鏡。中。瞥。見。蕭。郎。覩。手。攏。鬢。雲。
笑。不。休。

不換鵝
熟絹生縑積漸多閒拈花管作嬌波爲郎寫徧心經字祇換鴛鴦

綠窗相對話蕭晨檢帖繙書始起身卿自起身儂代坐爲貪餘暖
在香茵

不須盤格鬪精良梨筍能消酒十觴閣蓋時時破瓜子贈郎猶帶
口脂香

一樽輪遞兩人持餘瀝分郎得半卮儂自愛杯卿愛酒杯唇常有
淡胭脂

酒邊情態耐人看柳怯雲鬆欲畫難倚醉瞋郎太多事奪人杯罍

勸人餐

面○對○菱○花○玉○不○如○侍○兒○俗○例○與○妝○梳○梳○頭○不○費○柔○荑○手○解○散○雲○鬟○
尙○讀○書○

當○時○相○見○桂○堂○東○道○罷○勝○常○笑○靨○紅○對○面○覷○人○無○避○處○轉○頭○佯○看○
畫○屏○風○

廣○筵○多○是○燕○鶯○儔○少○小○隨○娘○學○勸○酬○終○是○女○兒○嬌○怯○態○縱○無○人○看○
也○低○頭○

歸○寧○初○下○七○香○車○約○略○娘○前○說○婿○家○未○肯○徑○呼○郎○小○字○頰○顏○低○喚○
一○聲○他○

夏○日○初○長○自○洗○頭○紅○裳○半○袒○上○簾○鉤○郎○來○驚○笑○佯○回○避○欲○著○裙○衫○不○自○由○

金○屏○已○掩○更○衣○後○繡○被○纔○薰○未○睡○時○雲○髻○半○偏○星○眼○矚○此○情○無○第○二○人○知○

敵○災○忍○事○拭○啼○痕○猶○自○人○前○強○笑○言○偏○是○檀○奴○乖○覺○性○窺○人○顏○色○解○溫○存○

狂○郎○須○用○頂○門○鉞○僞○醉○佯○嬌○苦○見○侵○蒼○后○作○書○深○不○解○何○曾○怒○字○是○奴○心○

雲○母○窗○前○常○避○面○鴛○鴦○枕○上○不○通○詞○豈○知○一○度○生○疏○後○一○度○恩○憐○

勝○舊○時○

望○子○真○同○望○榜○時○麟○兒○消○息○半○然○疑○裙○裾○不○浣○經○三○月○除○卻○檀○郎○
只○自○知○

嫁○得○蕭○郎○莫○遠○遊○玉○奴○知○費○幾○生○修○錦○裙○有○帶○皆○連○理○繡○枕○無○花○
不○並○頭○

寬○襖○羅○衣○玉○色○鮮○蘭○湯○莫○遣○溼○雙○蓮○那○能○不○稱○檀○奴○意○自○撫○凝○脂○
亦○自○憐○

薄○晚○郎○歸○綺○戶○肩○侍○兒○守○戶○立○鈴○擗○瑣○窗○嚴○密○無○窺○處○時○聽○香○羅○
蘸○水○聲○

半折輕紅豈惹枝芳年剛及破瓜時時含吐丁香核羞被檀郎索口脂

相邀姊妹出花前人自徐行我轉先閃過小屏山一角任郎偷擷指尖妍

欲度櫻桃味與郎背人離坐走佯佯玉甌一點波羅蜜分付消魂自去嘗

郎拈梅子出花陰剝贈梅仁示意深故把玉纖摩弄久教伊知道會伊心

臨別貪看月下姿黃昏風露下階遲知郎尙有流連意特向明蟾

立片時

小病懨懨過暑天。嫩黃姿色謝華鉛。今朝薄傅芙蓉粉。省得郎看瘦可憐。

小姑新製碧筒香。強捉檀奴盡一觴。親剝蓮蓬瑩似玉。背燈伴置鏡臺旁。

簪花楷格似人妍。下筆明珠箇箇圓。除卻答郎詩句外。不曾輕易落雲箋。

慘慘指爪脛珊瑚。金翦修圓露雪膚。付與檀郎收拾好。不須背養倩麻姑。

委地香雲散不紛何曾露盥與蘭薰風前自把輕紈扇扇與檀郎子細聞

炎曦不耐挽雲堆巧髻分梳蝶翅開自出儂家新樣子要將名色試郎猜

柳樣春濃絮樣顛輕雲無迹過青天人前第一須留意莫把雙眸注妾邊

未可人前訴素心眼波眉纈總知音蕭郎隱語由來慣爲愛聰明笑不禁

衆中迴避莫相尤同伴牽連豈自由平日修容自矜貴爲郎含笑

一○回○頭○

已○拔○搔○頭○卸○晚○妝○更○將○織○手○試○蘭○湯○背○燈○解○下○香○羅○帶○自○覺○含○羞○
不○爲○郎○

迎○年○佩○要○隔○年○裝○裏○外○濃○薰○豈○惹○香○體○貼○檀○奴○有○深○意○梅○花○繡○上○
紫○紗○囊○

膽○瓶○清○供○一○枝○梅○合○席○飛○花○擊○鼓○催○悄○起○呼○郎○停○酒○令○試○拈○紅○豆○
待○儂○猜○

藕○絲○衫○子○藕○絲○裳○放○鶴○歸○來○趁○晚○涼○借○問○阿○儂○忙○甚○事○結○成○錦○網○
網○鴛○鴦○

定情繁掾叩香囊。鸞步珊珊始出房。一笑櫻桃羞掩處。爲郎平視太端詳。

長日深閨一事無。自拈斑管學郎書。怪儂筆迹傾斜甚。費煞心思總不如。

阿儂生性慣嬌慵。學刺鴛鴦總不工。含笑持來與郎看。一言未語面先紅。

無端清夜夢難成。念母情懷暗暗生。轉側恐驚郎睡熟。幾回欲轉又還停。

夜與檀郎共讀書。質疑問字費工夫。勞他細細爲儂講。如此先生

世。上。無。

花。滿。紅。幃。曉。影。飛。倚。牀。乍。覺。晚。涼。微。合。歡。袴。自。加。羅。帶。畱。與。香。郎。
代。襖。衣。

雞。頭。嫩。剝。酒。邊。多。水。曲。還。疑。掩。碧。波。聞。爲。折。花。筍。小。玉。勸。郎。且。罰。
唱。新。歌。

竟。體。芳。蘭。繡。被。溫。熏。衣。長。感。玉。人。恩。最。能。操。縱。檀。奴。處。剛。使。銷。魂。
又。返。魂。

蕭。郎。宮。體。早。知。名。難。得。花。房。對。合。笙。好。把。九。鸞。釵。作。贊。紅。牋。親。署。
女。門。生。

自製鞵弓傍綺疏低頭著意刺紅蕖不知背後蕭郎至愛玩鱗鱗
雪不如

織玉參差象管輕蜀牋小硯碧窗明袖紗密掩瞋郎看學寫鴛鴦
字未成

小閣爭籌畫燭低錦茵圍坐玉相欹嬌羞慣被諸郎戲袖映春葱
出注遲

從來題目值千金無事羞多始見心乍向客前猶掩斂不知已覺
鈿窩深

泥嬌成困日初長暫卸輕裙玉簫涼漠漠帳煙籠玉枕粉肌生汗

白蓮香

宮樣梳兒金縷犀釵梁冰玉刻蛟螭眉間要點雙心事不管蕭郎只畫眉

烏輪紅上綺窗不挂起芙蓉帳子鉤鸚鵡多情能喚我早涼天氣趕梳頭

鴛鴦繡罷倦停鍼斜倚銀牀午夢洗睡起惺忪渾不著臉霞紅印枕痕深

香燼慵添寶鴨煙斜移短榻趁風前檀郎不解人憎暑如此薰蒸喚早眠

鏡○中○人○是○帳○中○人○第○一○難○消○夢○裏○春○閒○壁○蓮○心○成○藕○片○愛○他○生○就○
合○歡○身○

花○插○銅○鑪○對○博○山○焚○香○常○自○課○雙○鬢○慵○來○喜○飲○相○思○草○口○吐○青○煙○
似○玉○環○

開○簾○怯○靚○落○花○紅○安○頓○春○愁○午○夢○中○吩○咐○呢○喃○雙○燕○子○替○儂○千○萬○
罵○東○風○

爲○浴○蘭○湯○轉○避○人○紅○窠○掩○映○碧○紗○新○聞○歡○昨○夜○調○家○婢○一○笑○花○間○
事○恐○真○

閒○拂○花○箋○寫○竹○枝○憐○他○紅○豆○號○相○思○戲○言○明○日○迎○桃○葉○賺○得○郎○吟○

花○燭○詞○

香○賓○佳○釀○醉○流○霞○閒○向○天○街○蹋○月○華○夜○靜○人○稀○歸○去○也○倩○郎○扶○上○
自○由○車○

小○扇○玲○瓏○玉○臂○涼○聚○頭○佳○識○畫○鴛○鴦○檀○奴○宛○轉○懷○衫○袖○刻○骨○相○思○
透○骨○香○

龍○華○山○色○媚○煙○鬢○莫○把○春○游○作○等○閒○手○弄○桃○花○泥○郎○笑○綠○楊○風○裏○
汽○車○還○

一○朵○烏○雲○別○樣○盤○額○臺○蝴○蝶○蘸○油○檀○要○郎○對○面○驚○風○致○省○得○簪○花○
背○後○看○

曉○來○清○夢○警○疏○鐘○攜○手○尋○春○色○濃○將○貌○比○花○儂○未○及○花○無○夫○婿○
不○如○儂○

凌○波○仙○子○半○紅○妝○一○半○亭○亭○著○素○裳○知○道○可○人○誰○最○好○待○儂○歸○去○
試○檀○郎○

一○韻○聯○成○酒○一○卮○探○春○吟○續○惜○春○詞○醉○來○欲○倚○郎○懷○臥○解○到○凌○波○
漸○不○知○

小○別○歸○期○信○轉○遙○獨○欵○鴛○枕○易○魂○銷○歡○來○曾○就○迴○身○抱○記○得○初○婚○
第○二○宵○

獨○坐○挑○燈○怯○嫩○寒○待○郎○歸○後○夜○將○闌○鴛○鴦○新○繡○雙○飛○樣○不○爲○題○詩○

不與看

方圓動靜費聰明落子無聲燕不驚剛算是郎輸一著卻言有意讓儂贏

一絲情緒兩心知料得宵來睡亦遲恨不飛身入明月看郎看月夜深時

春曉傳言出畫屏憐他紅嘴性偏靈茶蘼架下多時立教念觀音般若經

自捲羅衣斂碧霞頻牽修綆轆轤車先澆階畔宜男草催放春來一蕊花

晨梳朱鳥曉窗前。自對菱花整翠鈿。小玉摘來雙杏子。倩他先插鬢雲邊。

大家背地入春園。擷取名花不肯言。鄰女卻輸金彩鳳。再來重賭玉雙鴛。

流鶯啼徹畫樓東。驚起鴛鴦好夢中。斜凭繡牀嬌不起。教郎替換睡鞦韆。

鏡檻珠寮曲曲通。一庭花木鬱蔥蔥。龍約郎鬪草消長。晝贏得鮫綃十幅紅。

垂柳依依綠影生。芰荷亭上設棋枰。局中彈出縱橫勢。笑問檀郎

若○箇○羸○

春○閨○三○月○養○吳○蠶○南○陌○攀○桑○滿○竹○籃○爲○避○郎○行○回○步○急○不○知○髻○上○墮○牙○簪○

一○粒○紅○
萬○籟○風○清○檻○外○桐○空○階○涼○露○潤○苔○叢○詼○諧○燈○下○猜○謎○語○笑○破○櫻○桃○

一○粒○紅○
鴛○幃○昨○夜○酣○春○夢○鏡○裏○眉○痕○便○不○同○欲○疊○青○羅○頻○回○首○背○人○私○自○拭○飛○紅○

倚○郎○閒○看○雨○餘○雲○池○面○波○紅○映○夕○曛○手○捻○青○梅○低○首○語○已○曾○三○月○未○滿○裙○

何○煩○畫○裏○喚○真○真○玉○鏡○臺○前○過○往○頻○記○得○定○情○向○郎○說○阿○儂○猶○是○
女○兒○身○

花○前○小○酌○舉○瑤○觴○重○碧○輕○紅○味○細○嘗○自○把○玉○卮○親○勸○酒○酒○痕○猶○帶○
口○脂○香○

珠○簾○初○捲○燕○歸○梁○浴○罷○華○清○理○晚○妝○雙○鬢○綠○雲○三○百○朵○微○風○吹○度○
夜○來○香○

銀○牀○冰○簟○晚○風○涼○雲○髻○重○梳○墮○馬○妝○蟬○翼○紗○輕○露○紅○抹○雪○膚○脂○滑○
乳○花○香○

銀○屏○六○曲○繡○鴛○鴦○捲○起○珠○簾○納○晚○涼○羅○袖○倩○郎○輕○挽○起○串○珠○纏○臂○

水○沈○香○
髮○壓○香○顫○晚○風○素○馨○花○小○玉○玲○瓏○比○肩○對○嚼○檳○榔○顫○笑○共○檀○郎○
較○唾○紅○
纔○向○窗○前○罷○晚○妝○纖○纖○手○捧○小○簪○簪○梅○花○紙○帳○銀○缸○豔○別○有○氤○氳○
一○種○香○
青○青○楊○柳○被○郎○攀○一○葉○蘭○舟○日○往○還○知○道○荔○支○郎○愛○食○妾○家○移○住○
荔○支○灣○
酒○闌○嬌○情○抱○琵琶○茉莉○新○堆○兩○鬢○鴉○消○受○香○風○在○涼○夜○枕○邊○都○是○
助○情○花○

臉○波○紅○暈○罷○徵○歌○髻○雨○鬢○雲○夢○自○多○鴛○帳○月○來○窗○未○掩○豔○情○瞞○不○
過○嬌○娥○

晝○長○先○把○睡○魔○降○學○繡○鴛○鴦○坐○綺○窗○惟○恐○意○慵○鍼○指○爛○累○他○幾○日○
不○成○雙○

鬢○雲○撩○亂○不○會○梳○先○向○池○邊○飼○碧○魚○露○滴○翠○荷○擎○不○定○戲○分○小○妹○
當○珍○珠○

浮○家○慣○住○水○雲○鄉○不○識○離○愁○夢○亦○香○儂○盪○輕○舟○郎○撒○網○朝○朝○暮○暮○
看○鴛○鴦○

梳○成○雲○鬢○插○花○初○低○喚○雙○鬢○略○倩○扶○生○小○天○然○原○愛○好○不○因○人○見○

著工夫

衣香入影滿花街閒裏低頭整翠釵繫得湘裙忘略短無心偏露
鳳頭幪

羅襦換罷下西樓荳蔻香溫語未休說到年華更羞怯水晶簾下
學篋篋

碧闌干外夜沈沈斜倚雲屏燭影深看取紅酥渾欲滴鳳文雙結
是同心

秋千院落月如鉤爲愛花陰爛上樓露溼紅蕖波底襪自拈羅帶
淡蛾羞

銀燭金杯映綠紗。空持傾國對流霞。醜顏欲語嬌無力。雲髻新簪白玉花。

郎似月圓儂鏡圓。鏡圓常定在郎前。月圓到處儂難管。知送清光阿那邊。

結習難除笑自家。金盆夜搗鳳仙花。玉纖染就羞郎見。翠袖擎杯一半遮。

珠簾捲起尙含羞。半晌無言獨倚樓。應是昨宵眠不得。日斜猶自未梳頭。

筵前鬪出好腰肢。滿引金樽酌一卮。低首喚郎含笑說。教郎親誦

自○家○詩○

月○明○風○露○夜○涼○天○已○卸○殘○妝○尚○怕○眠○醉○後○不○知○筋○力○倦○要○人○扶○著○
上○鞦○韆○

葉○葉○東○風○楊○柳○青○青○驄○得○得○傍○花○行○勸○郎○收○卻○金○丸○彈○留○箇○鶯○兒○
叫○一○聲○

靚○妝○新○式○點○輕○黃○特○揀○晴○天○鑲○洞○房○忽○地○砑○羅○裙○帶○解○東○風○勾○出○
麝○臍○香○

酥○胸○膩○臉○巧○安○排○香○汗○頻○添○手○自○揩○潯○封○斜○廊○礙○花○朵○迴○身○重○整○
九○鸞○釵○

一箇鴛鴦一首詩將儂畫筆換郎詞工夫指著花欄影看是郎遲是妾遲

瑟瑟秋風耳畔聲客途珍重事長征忍將清夢隨君去孤負鴛鴦繡未成

歌舞樓中列綺筵等閒花草亦因緣可曾記得癡情性郎不歸來妾不眠

名園春色看初濃聽報人來忽斂容半晌驚惶無箇影原來小婢卻欺儂

春閨難遣是閒愁鎮日湘簾不上鉤聞道小鬟低共語鄰家昨夜

有歸舟

猩紅顏色豔於脂。滿架濃香暗送時。畱得曉來清露好。待儂盪手誦郎詩。

竟日披書手不停。一燈一卷倚圍屏。笑郎倦讀詩人集。卻喜儂家誦與聽。

半睡花冠倦未除。枕棱釵溜點羅祛。玉郎何處潛來到。笑倩迴燈整翠裾。

白描紈扇夾湘筠。鬢影斜籠淺露脣。非是見君多掩斂。不禁羞忸爲旁人。

處○處○風○波○逐○枕○衾○相○看○今○又○到○秋○深○千○闌○百○就○多○辛○苦○只○願○君○心○
似○妾○心○

拾○得○紅○箋○有○幾○行○瘦○斜○書○勢○似○蕭○郎○莫○教○漏○泄○關○心○事○貯○向○裙○前○
瑟瑟囊

莫○愁○擎○著○鳳○凰○雛○秀○髮○明○眸○粉○玉○搓○低○笑○喚○卿○親○切○看○阿○侯○姿○貌○
似○誰○多○

燈○街○試○走○斷○紅○翠○新○嫁○橋○南○第○幾○晨○夫○婿○卻○扶○佯○不○要○一○回○低○媚○
一○回○瞋○

爲○郎○愁○絕○爲○郎○癡○更○怕○郎○愁○不○遣○知○叮○囑○寄○書○人○說○向○玉○兒○歡○笑○

似○平○時○

戲○傲○曹○娥○把○筆○初○描○花○手○法○未○生○疎○沈○吟○欲○作○鴛○鴦○字○羞○被○郎○窺○
不○肯○書○

相○逢○切○莫○徑○遮○闌○眼○耳○叢○中○一○笑○難○要○識○寸○心○相○喻○處○明○明○如○月○
任○郎○看○

睡○情○何○處○不○相○關○合○度○穠○纖○話○等○閒○枕○上○不○妨○頻○轉○側○柔○腰○偏○解○
逐○人○彎○

斗○帳○香○篝○不○漏○煙○睡○鞦○暖○窄○困○春○眠○教○郎○被○底○摩○挲○遍○忽○見○紅○幫○
露○枕○邊○

夢○回○酒○渴○破○漳○柑○十○月○霜○輕○尙○帶○酸○生○受○玉○人○綿○樣○手○爲○郎○頻○熨○指○尖○寒○

攬○衣○初○起○髻○鬢○傾○翠○鳳○離○披○畫○不○成○梳○洗○不○妨○停○一○刻○亂○頭○時○節○最○傾○城○

細○楷○香○囊○晝○睡○鴛○來○時○會○記○枕○前○安○傳○聲○爲○遣○郎○收○拾○莫○與○蘭○閨○女○伴○看○

瞋○怒○纔○因○半○語○訛○臂○彎○零○亂○指○痕○多○明○朝○翻○向○人○前○諱○不○許○檀○郎○卷○袖○羅○

踏○青○仍○與○小○姑○偕○故○故○回○頭○碧○玉○釵○幾○日○春○陰○花○落○盡○香○泥○先○沁○

鳳頭○髻○

芳○心○忍○負○春○和○日○小○閣○添○絲○繡○碧○羅○繡○到○鴛○鴦○鍼○忽○斷○畫○中○好○事○
也○多○磨○

裊○斷○爐○煙○坐○綺○寮○花○枝○恰○對○可○憐○宵○相○思○淚○似○黃○梅○雨○著○到○郎○衣○
不○肯○消○

文○疏○窗○子○鬱○金○牀○病○服○慵○來○改○道○裝○買○得○羅○襦○憑○寄○遠○千○鍼○萬○縷○
繡○鴛○鴦○

才○離○阿○母○性○嬌○柔○教○誦○新○詩○浣○別○愁○自○倚○聰○明○貪○強○記○花○陰○亭○午○
不○梳○頭○

簾○權○如○水○樹○陰○移○滿○罍○紅○潮○就○枕○時○生○怕○鬢○邊○花○易○損○明○妝○小○臥○
亦○矜○持○

夜○涼○閒○坐○掩○雙○扉○螢○火○穿○叢○捲○葉○稀○一○院○玲○瓏○花○葉○影○月○明○繡○上○
白○羅○衣○

蘭○缸○的○的○照○銀○屏○漏○剪○無○聲○玉○杵○停○一○道○紅○欄○涼○似○水○自○開○珠○箔○
數○秋○星○

風○送○楊○花○滿○繡○牀○飛○來○紫○燕○亦○雙○雙○閒○情○正○在○停○鍼○處○笑○嚼○殘○絨○
唾○碧○窗○

六○曲○屏○風○錦○紙○糊○苔○階○新○雨○潤○如○酥○要○郎○石○級○相○攜○上○步○弱○偏○瞋○

小婢扶

拚向柔鄉葬此身玉簫瑤瑟證前因笑拈瓜子教郎剝知否心中

有箇人

漫道人前覩翹多儘儂消受有秋波佳名最是稱他好但願今生

永作他

覲面相呼便有情憐伊儘許我卿卿卻仿儕輩知芳篆不許呼卿帶小名

杏紅衫子最鮮明不坐香車愛步行露出金蓮三寸好人前故意學輕盈

十三嬌女踏青陽也學吳姬巧樣妝車上低聲詢女伴人間何物是鴛鴦

朝來不捲水晶簾月樣牙梳信手拈綰住巫山雲一段被郎偷看玉纖纖

烘染胭脂一朵雲似含羞態似微醺兒家慣妬桃花色要比桃花勝幾分

天真爛漫自生成小語何會計重輕反把正言規阿母防人貽笑禁高聲

聞聲知是阿郎回故扣銅環不肯開橄欖嚼餘畱細核兜人頭上

打將來

綠雲綰髻半堆鴉肯接檀奴手裏茶卻被旁人閒笑破靨痕紅泛

層霞

刺眼銀釵特地明醉餘思睡更難破偏他牀背迷藏好故作驚人

耗子聲

醒來怪道口頭甜圓樣飴糖怎自啣剛正低頭苦猜憶箇儂狂笑

入門簾

絕頂聰明未解羞聽來言語沒根由苦將阿嫂牽衣問怎與男兒

睡並頭

鏡奩無用且推開。麝墨輕磨小硯臺。多翦紅箋方塊子。要郎寫字教儂來。

不礙呈詩上鏡臺。就中心事任伊猜。偶然失檢閒言語。問到檀奴臉上來。

讀詩不厭鎮垂簾。檀炷金爐細細添。裁幅薛濤箋。紙破虎頭亭子。摺書籤。

十三年紀太多情。結珮珍珠記小名。綳得雲條紗一幅。拜郎教繡做先生。

藥盞擎來子細嘗。莫教太熱莫教涼。叮嚀甘草多加上。苦了嬌喉。

要怨郎

郎自風魔妾不愁讓
他苦苦把心嘔鴛鴦
粉本重描過換箇沙鷗
作並頭

珊瑚尺子小金刀
新替檀郎製錦袍
笑把郎身量一度說
今年比舊年高

簾幕東風向曉開
海棠影裏小徘徊
癡心愛煞雙飛蝶
強要檀奴撲取來

芙蓉鏡畔兩相攜
笑倩檀奴把首低
手把鑷金雙翦子
替郎檻髮鉸些齊

晚○妝○臨○鏡○卸○金○釵○暗○解○香○羅○換○睡○鞵○繡○帳○未○垂○燈○未○熄○含○羞○不○肯○
坐○人○懷○

侍○女○相○扶○花○底○行○好○風○吹○碎○珮○環○聲○低○頭○薄○怒○因○何○事○爲○惱○旁○人○
說○小○名○

畫○船○絃○管○到○更○深○重○把○金○樽○手○自○斟○送○到○郎○邊○偏○一○笑○酒○痕○澆○上○
碧○羅○襟○

滿○架○春○香○豈○惹○陰○相○攜○歸○去○笑○沈○吟○花○間○失○去○羅○巾○子○也○向○檀○奴○
袖○裏○尋○

日○影○當○窗○花○影○疏○共○郎○窗○底○學○真○書○尋○常○一○樣○簪○花○格○底○事○偏○儂○

寫不如

短花牆外卽天涯。小立闌干月半階。不怕夜深羅襪冷。願隨花影入君懷。

下重簾子綺窗開。麝月光圓小鏡臺。妾本淡眉無用掃。爲從郎意畫濃來。

開窗小立看斜曛。睡臉微微印簟紋。多謝梧桐風一陣。颼颼來漾藕絲裙。

貪涼愛著研光羅。其奈中單映肉何。一片輕明遮不斷。芭蕉牆角夕陽多。

已○收○衣○汗○停○紈○扇○小○綰○烏○雲○插○素○馨○暗○坐○無○燈○又○無○月○越○羅○裙○上○
一○飛○螢○

聞○郎○新○製○松○煙○墨○乞○染○春○山○萬○斛○愁○一○笏○鐫○郎○名○字○在○把○郎○終○日○
上○眉○頭○

粧○成○猶○在○鏡○中○看○要○逗○花○枝○髻○上○安○鬢○髮○已○光○衣○未○換○手○持○金○翦○
出○朱○闌○

合○歡○牀○上○小○熏○籠○覆○著○衣○裳○半○退○紅○自○說○經○年○嬾○鍼○綫○春○衫○還○是○
舊○裁○縫○

綠窗豐課

周瘦鵑選輯

卷下

詞

小山重疊金明滅。鬢雲欲度香頰。雪嬾起。畫蛾眉。弄妝梳洗遲。
 照花前後鏡。花面交相映。新帖繡羅襦。雙金鷓鴣。(菩薩蠻)
 水精簾裏頗黎枕。暖香惹夢鴛鴦錦。江上柳如煙。雁飛殘月天。
 藕絲秋色淺。人勝參差翦。雙鬢隔香紅。玉釵頭上風。(菩薩蠻)
 嶠嶠領上訶黎子。繡帶雙垂椒戶閒。時競學。擣菹賭荔支。叢頭
 鞦韆子。紅編細裙窄。金絲無事嚙眉春。思翻教阿母疑。(采桑子)

錦江煙水卓女燒春濃美小檀霞繡帶芙蓉帳金釵芍藥花額
黃侵膩髮臂釧透紅紗柳暗鶯啼處認郎家（女冠子）

幽閨欲曙聞鶯囀紅窗月影微明好風頻謝落花聲隔幃殘燭猶
照綺屏箏繡被錦茵眠玉暖炷香斜裊煙輕淡蛾羞斂不勝情
暗思閒夢何處逐雲行（臨江仙）

春光欲暮寂寞閒庭戶粉蝶雙雙穿檻舞簾卷晚天疏雨含愁
獨倚閨幃玉爐煙斷香微正是銷魂時節東風滿樹花飛（清平
樂）

遠山愁黛碧橫波慢臉明膩香紅玉茜羅輕深院晚堂人靜理銀

箏。鬢。動。行。雲。影。裙。遮。點。屐。聲。嬌。羞。愛。闌。曲。中。名。楊。柳。杏。花。時。節。
幾。多。情。〔南。歌。子〕

越。羅。小。袖。新。香。舊。薄。籠。金。釧。倚。闌。無。語。搖。輕。扇。半。遮。勻。面。春。殘。

日。暖。鶯。嬌。嬾。滿。庭。花。片。爭。不。教。人。長。相。見。畫。堂。深。院。〔後。庭。花〕

雙。髻。墜。小。眉。彎。笑。隨。女。伴。下。春。山。玉。纖。遙。指。花。深。處。爭。迴。顧。孔。雀。

雙。雙。迎。日。舞。〔南。鄉。子〕

碧。闌。干。外。小。中。庭。雨。初。晴。曉。鶯。聲。飛。絮。落。花。時。節。近。清。明。睡。起。卷。

簾。無。一。事。勻。面。了。沒。心。情。〔江。城。子〕

小。堂。深。靜。無。人。到。滿。院。春。風。惆。悵。嚮。東。一。樹。櫻。桃。帶。雨。紅。愁。心。

似○醉○兼○如○病○欲○語○還○慵○日○暮○疏○鐘○雙○燕○歸○來○畫○閣○中○(羅敷豔歌)
雨○晴○煙○晚○綠○水○新○池○滿○雙○燕○飛○來○垂○柳○院○小○閣○畫○簾○高○捲○黃昏
獨○倚○朱○闌○西○南○初○月○眉○彎○砌○下○落○花○風○起○羅○衣○特○地○春○寒○(清平

樂)

燕○子○來○時○新○社○黎○花○落○後○清○明○池○上○碧○苔○三○四○點○葉○底○黃○鷓○一○兩○
聲○日○長○飛○絮○輕○巧○笑○東○鄰○女○伴○采○桑○徑○裏○逢○迎○疑○怪○昨○宵○春○夢○
好○元○是○今○朝○鬪○草○羸○笑○從○雙○臉○生○(破陣子)

睡○起○玉○屏○風○吹○去○亂○紅○猶○落○天○氣○驟○生○輕○暖○襯○沈○香○帷○箔○珠簾
約○住○海○棠○風○愁○拖○兩○眉○角○昨○夜○一○庭○明○月○冷○秋○千○紅○索○(好事近)

鳳○髻○金○泥○帶○龍○紋○玉○掌○梳○去○來○窗○下○笑○相○扶○愛○道○畫○眉○深○淺○入○時○
無○弄○筆○假○人○久○描○花○試○手○初○等○閒○妨○了○繡○工○夫○笑○問○雙○鴛○鴦○字○
怎○生○書○（南歌子）

柳○外○輕○雷○池○上○雨○雨○聲○滴○碎○荷○聲○小○樓○西○角○斷○虹○明○闌○干○倚○處○待○
得○月○華○生○燕○子○飛○來○窺○畫○棟○玉○鉤○垂○下○簾○旌○涼○波○不○動○簾○紋○平○
水○精○雙○枕○傍○有○墮○釵○橫○（臨江仙）

含○羞○整○翠○鬢○得○意○頻○相○顧○雁○柱○十○三○絃○一○一○春○鶯○語○嬌○雲○容○易○
飛○夢○斷○知○何○處○深○院○鎖○黃○昏○陣○陣○芭○蕉○雨○（生查子）

眉○黛○遠○山○長○新○柳○開○青○眼○樓○閣○斷○霞○明○羅○幙○春○寒○淺○杯○嫌○玉○漏○

遲○燭○厭○金○刀○剪○月○色○忽○飛○來○花○影○和○簾○卷○（生查子）

漠○漠○輕○寒○上○小○樓○曉○陰○無○賴○似○窮○秋○淡○煙○流○水○畫○屏○幽○ 自○在○飛○

花○輕○似○夢○無○邊○絲○雨○細○如○愁○寶○簾○閒○挂○小○銀○鉤○（浣溪沙）

春○夜○雨○催○潤○柳○塘○花○塢○小○院○重○門○深○幾○許○畫○簾○香○一○縷○ 獨○立○晚○

庭○凝○竚○細○把○花○枝○閒○數○燕○子○不○來○天○欲○暮○說○愁○無○處○所○（謁金門）

春○猶○淺○柳○初○芽○杏○初○花○楊○柳○杏○花○交○映○處○有○人○家○ 玉○窗○閉○暖○烘○

霞○小○屏○上○水○遠○山○斜○昨○夜○酒○多○春○睡○重○莫○驚○他○（愁倚欄令）

斷○蟬○高○柳○斜○陽○處○池○閣○絲○絲○雨○綠○檀○珍○簾○卷○新○紅○屈○曲○杏○花○蝴○蝶○

小○屏○風○ 春○山○疊○疊○秋○波○漫○收○拾○殘○鍼○綫○又○成○嬌○困○倚○檀○郎○無○事○

更○拋○蓮○子○打○鴛○鴦○（虞美人）

煙○柳○疎○疎○人○悄○悄○畫○樓○風○外○吹○笙○倚○闌○聞○喚○小○紅○聲○薰○香○臨○欲○睡○

玉○漏○已○三○更○坐○待○不○來○來○又○去○一○方○明○月○中○庭○粉○牆○東○畔○小○橋○

橫○起○來○花○影○下○扇○子○撲○流○螢○（臨江仙）

柳○陰○庭○院○簾○約○風○前○燕○著○雨○荷○花○紅○半○斂○消○得○盈○盈○綠○扇○竹○光○

野○色○生○寒○玉○纖○雪○藕○冰○盤○長○記○酒○醒○人○靜○暗○香○吹○月○闌○干○（鍾干）

殿）

學○唱○新○腔○秋○千○梁○上○釵○股○敲○雙○柳○雨○花○風○翠○鬆○裙○褶○紅○膩○鞦○韆○

歸○來○門○掩○銀○釭○淡○月○裏○疎○鐘○漸○撞○嬌○欲○人○扶○醉○嫌○人○問○斜○倚○樓○窗○

（柳梢青）

波影暖浮玉。鶯柳陰深鎖。金鋪湘桃花褪。燕調雛。又是一番春暮。
碧柱情深。鳳怨雲屏。夢淺鶯呼。繡窗人倦。冷熏爐。簾影搖搖。亭

午（西江月）

人病酒生怕日高催繡。昨夜新番。花樣瘦。旋描雙。蜨湊閒凭繡。
牀呵手卻說春愁。還又門外東風吹綻柳。海棠花。廝勾（謁金門）
春睡。曹騰覺時。鴛被堆香暖。起來猶嬾。獨自情何限。深院日斜。
人靜。花陰轉柔腸。斷凭高不見芳草連天遠。（點絳脣）
誰能畫取沙邊雨。和烟淡掃。兼葭渚。別岸卻斜暉。采蓮人未歸。

鴛鴦如解語對浴紅衣去去了更回頭教儂特地愁（菩薩蠻）

髻子傷春嬾更梳晚風庭院落梅初淡雲來往月疎疎 玉鴨薰

爐閒瑞腦朱櫻斗帳掩流蘇通犀還解辟寒無（浣溪沙）

繡館人人倦踏青粉垣深處簸錢聲賣花門外綠陰清 簾幕風

柔飛燕燕池塘花暖語鶯鶯有誰知道一春情（浣溪沙）

離腸宛轉瘦覺妝痕淺飛去飛來雙乳燕消息知郎近遠 樓前

小雨珊瑚海棠簾幕輕寒杜宇一聲春去樹頭無數青山（清平

樂）

醉紅宿翠髻驪烏雲墜管是夜來渾不睡那更今朝早起 東風

滿○搦○腰○肢○階○前○小○立○多○時○卻○恨○一○番○新○雨○想○應○溼○透○鞦○兒○
樂）
清○平

春○睡○倦○自○揀○花○枝○行○遍○昨○日○新○紅○今○日○變○細○按○將○袖○染○翠○扇○迎○
風○撲○面○飛○去○晴○絲○還○轉○簾○外○楊○花○簾○裏○燕○相○逢○如○未○見○
春○睡○起○小○閣○明○窗○兒○底○簾○外○雨○聲○花○積○水○薄○寒○猶○在○裏○
慵○未○起○好○是○孤○眠○滋○味○一○曲○廣○陵○應○忘○記○起○來○調○綠○綺○
吟○院○靜○遲○日○自○紅○花○影○熏○透○水○沈○雲○滿○鼎○晚○妝○窺○露○井○
絲○無○定○誤○了○鶯○鶯○相○等○欲○喚○海○棠○教○睡○醒○奈○何○春○不○肯○
圖○書○一○室○香○暖○垂○簾○密○花○滿○翠○壺○熏○研○席○睡○覺○滿○窗○晴○日○
手○寒○
飛○絮○遊○
（謁金門）
（謁金門）

不。了。殘。碁。篝。香。細。勘。唐。碑。無。酒。無。詩。情。緒。欲。梅。欲。雪。天。時。清。平。樂。

翠。鳳。金。鸞。繡。欲。成。沈。香。亭。下。款。新。晴。綠。隨。楊。柳。陰。邊。去。紅。踏。桃。花。片。上。行。鶯。意。緒。蝶。心。情。一。時。分。付。小。銀。箏。歸。來。欲。醉。花。柔。困。月。濾。窗。紗。約。半。更。鷓。鴒。天。

髻。穩。冠。宜。翡。翠。壓。鬢。絲。金。藥。遠。山。淺。碧。蘸。秋。水。香。暖。檀。裙。襯。地。寧。寧。二。八。餘。年。紀。惱。春。意。玉。雲。凝。重。步。塵。細。獨。立。花。陰。寶。砌。

秋藥香

柳。絲。輕。颺。黃。金。縷。織。成。一。片。紗。窗。雨。鬪。合。做。春。愁。困。慵。熏。玉。箏。

暮寒羅袖薄。社雨催花落。先自爲詩忙。薔薇一陣香。（菩薩蠻）
障泥油壁人歸後。滿院花陰樓影沈。沈中有傷春一片心。閒穿
綠樹尋梅子。斜日籠明團扇風。輕一徑楊花不避人。（采桑子）
東風忽驟無人見。玉塘煙浪浮花片。步溼下香堦。苔黏金鳳釵。
翠鬟愁不整。臨水閒窺影。摘得野薔薇。游蜂相趁歸。（菩薩蠻）
冰箔紗簾小院清。暗塵不動地花平。昨宵風雨涼到木犀屏。香
月照妝秋粉薄。水雲飛佩藕絲輕。好天良夜閒理玉鞦韆。（琴調
相思引）
柳絲長。桃葉小。深院斷無人到。紅日淡。綠煙晴。流鶯三兩聲。雪

香○濃○檀○暈○少○枕○上○臥○枝○花○好○春○思○重○曉○妝○遲○尋○思○殘○夢○時○（更漏子）

鸚○鵡○無○言○理○翠○衿○杏○花○零○落○晝○陰○晝○橋○流○水○一○篙○深○芳○徑○與○誰○同○鬪○草○繡○牀○終○日○罷○拈○鍼○小○箋○香○管○寫○春○心○（浣溪沙）

錦○鞦○朱○絃○瑟瑟○微○玉○織○新○擬○鳳○雙○飛○縹○渺○燭○煙○花○幕○暗○就○更○衣○約○略○整○鬢○釵○影○動○遲○回○顧○步○珮○聲○微○宛○是○春○風○蠅○蝶○舞○帶○香○歸○（

山花子

池○水○凝○新○碧○欄○花○駐○老○紅○有○人○獨○倚○畫○橋○東○手○把○一○枝○楊○柳○繫○春○風○鵲○伴○游○絲○墜○蜂○黏○落○藥○空○鞦韆○庭○院○小○簾○櫳○多○少○閒○情○閒○緒

雨聲中（南柯子）

習習輕風破海棠。鞦韆移影上迴廊。晝長蝴蝶爲誰忙。度柳早鶯分暖綠。過花小燕帶春香。滿庭芳草又斜陽。（浣溪沙）

滿院落花春寂。風絮一簾斜日。翠鈿曉寒輕。獨倚秋千無力。無力。無力。蹙破遠山愁碧。（如夢令）

銀葉香銷暑簟清。枕鴛醉倚玉釵橫。起來紅日半窗明。多病情懷無可耐。惜花天氣惱餘醒。瑤琴誰弄曉鶯聲。（浣溪沙）

錦瑟瑤琴續短絃。壁堂初過牡丹天。玉鉤斜壓小珠簾。睡鴨爐溫吟散後。雙鴛屏掩酒醒前。一番春事怨鶉鴉。（浣溪沙）

鸞股先尋鬪草釵，鳳頭先繡踏青鞵。
衣裳宮樣不須裁，輦玉鏤成鸚鵡架。
泥金鑄就牡丹牌，明朝相約看花來。
（浣溪沙）

晚出閒庭看海棠，風流學得內家妝。
小釵橫戴一枝芳，削玉梳斜雲鬢膩。
鏤金衣透雪花肌，香暗思何事。
立斜陽（浣溪沙）

卜盡金錢閒愁暗，逐游思起雲鬆螺髻。
眉減春山翠，試捲珠簾風香生。
袂涼如水，惜花心碎，忍把闌干倚。
（點絳脣）

紫燕雙飛深院靜，簾枕紗幮睡起。
嬌如病，一綫碧烟縈藻井。
小鬟茶進龍香餅，拂拭菱花看寶鏡。
玉指纖纖撚睡，撩雲鬢閒折海

榴過翠徑雪貓戲撲風花影（蝶戀花）

酒醒夜堂涼。雨過湘簾捲。時見流螢度短牆。乍近依然遠。欲睡更遲迴。徙倚闌干徧不覺。西樓闕。月斜寂寞。桐陰轉。（卜算子）
香暖透春肌。滿眼新嬌睡。起遲燕子不來。三月盡。依依手撚殘花。玉一枝。風裊鬢雲垂。無限閒愁隱翠眉。好夢不成春自去。相思只有青團扇。子知。（南鄉子）

風雨霎時晴。荷葉青青雙鬢捧。著小紅燈。報道綠紗窗。底下蕉月分明。枕簟嫩涼生。茉莉香清。蘭花新吐。百餘莖。撲得流螢飛去也。團扇多情。（浪淘沙）
綠窗擁被鶯呼醒。紅雲微皺。愁難整。檀炷裊薰籠。羅衣三兩重。

流○蘇○休○便○揭○欲○起○愁○無○力○楊○柳○小○腰○肢○春○來○瘦○不○支○（菩薩蠻）
春○光○漸○老○流○鶯○不○管○人○煩○惱○細○雨○窗○紗○深○巷○清○晨○賣○杏○花○ 眉○峯○
雙○蹙○畫○中○有○箇○人○如○玉○小○立○簷○前○待○燕○歸○來○始○下○簾○（減字木蘭

花）

紅○界○枕○痕○微○褪○玉○喚○起○那○禁○幽○獨○好○鳥○嘯○春○足○歸○期○不○準○花○鬢○下○
盡○日○眉○峯○雙○凝○綠○十○二○繡○簾○低○軸○人○在○闌○干○曲○楊○花○卻○羨○無○拘○
束○（惜分飛）

海○棠○不○礙○窗○紗○影○鬢○禪○鴛○鴦○領○繡○棚○吹○落○唾○花○紅○但○見○餘○香○一○點○
鼻○睛○風○ 柳○眠○無○力○輕○煙○惹○春○色○撩○人○也○羅○衫○閒○搭○畫○闌○邊○日○暖○

融○融○好○箇○洗○頭○天○（虞美人）

弄○粉○調○脂○梳○雲○掠○月○次○第○曉○妝○成○鸚○鵡○籠○邊○鞦○韆○牆○裏○半○晌○不○聞○
聲○原○來○卻○在○瑤○階○下○獨○自○踏○花○行○笑○摘○朱○櫻○微○指○翠○袖○枝○上○打○

流○鶯○（少年遊）

日○約○樓○陰○初○整○風○暖○煙○消○人○靜○早○起○未○梳○頭○閒○掃○小○園○芳○徑○清○淨○
清○淨○只○賸○數○枝○花○影○（如夢令）

春○深○加○倍○心○情○惡○慵○歌○嬾○笑○梳○粧○薄○獨○自○掩○窗○紗○鶯○啼○訴○落○花○

夢○回○剛○拭○淚○偷○立○秋○千○背○風○起○亂○紅○飛○不○知○雙○淚○垂○（菩薩蠻）

如○鏡○窺○妝○逗○小○樓○真○珠○簾○外○半○痕○收○倒○簪○花○影○上○人○頭○品○得○秦○

箏○初○度○曲○花○前○和○露○耍○鞦○韆○柳○絲○濃○翠○拂○鞦○鉤○（浣溪沙）

薄○薄○香○雲○穩○稱○肩○鳳○頭○剛○襯○小○紅○箋○竭○來○堤○畔○隨○輕○煙○ 鳥○學○新○

聲○窺○翠○幃○蛙○知○芳○氣○上○花○鈿○箇○人○何○處○不○堪○憐○（浣溪沙）

四○月○陂○塘○水○半○扉○姬○人○梳○裹○入○羅○幃○佛○樓○先○禮○六○銖○衣○ 花○午○枕○

拋○紅○印○起○月○斜○爐○透○篆○煙○微○百○花○深○處○玉○郎○歸○（浣溪沙）

睡○損○眉○黃○澹○未○添○鳳○屏○殘○麝○透○花○尖○下○階○幽○夢○背○人○占○ 柳○外○疎○

鶯○聲○睨○院○竹○邊○歸○燕○語○呢○喃○斜○風○細○雨○隔○重○簾○（浣溪沙）

思○往○事○花○月○正○朦○朧○玉○燕○風○斜○雲○鬢○上○金○狻○香○盡○畫○屏○中○半○醉○倚○

輕○紅○（望江南）

裊。裊。花。陰。羅。幘。輭。無。限。芳。心。初。與。春。消。遣。小。試。嬌。鶯。纔。半。轉。海。棠。
枝。上。東。風。淺。一。段。行。雲。何。處。翦。掩。過。雕。闌。送。影。湘。裙。展。隔。著。亂。
紅。人。去。遠。畫。樓。今。夜。珠。簾。捲。（蝶戀花）

十。二。畫。屏。圍。楚。岫。一。縷。水。沈。澹。滿。袖。小。桃。織。甲。印。流。霞。聽。玉。漏。人。
歸。後。兩。點。橫。波。微。暈。透。荳。蔻。梢。頭。春。雨。瘦。雲。膩。暖。金。燈。下。溜。鏡。
臺。斜。背。解。羅。衣。芙。蓉。繡。丁。香。扣。寶。袜。酥。溫。紅。影。皺。（天仙子）

繡。簾。花。散。難。與。東。風。算。拈。得。金。鍼。絲。又。亂。尙。贖。檀。心。一。半。幾。回。
黛。蹙。雙。蛾。斜。添。紅。縷。微。波。閒。看。燕。泥。欲。墮。柳。綿。吹。滿。輕。羅。（清平
樂）

畫簾微雨春風暮。最苦今番羅袖痕。斑斑畱待歸時。透點看桃花。
門巷無人到。蹙損蛾彎手。約雲鬢斜倚殘紅。第幾闌。(采桑子)
荳蔻花紅滿。眼明小簾貼。燕雨如塵踏春時。節又因循。倦蝶有
情隨。鬢驪遠山無賴學。眉蹙冷清清。地奈何春。(浣溪沙)
香散飛花衣袖窄。浪浴雙鴛翼。明月愛隨人一縷紅。雲暗裏爭顏
色。獨立迴廊聞太息。夢裏曾相識。玉指映柔荑。欲折花枝睡起
嬌無力。(醉花陰)
去年拋葯種池塘。今年墜粉香。幾時得藕。使絲長。何曾解斷腸。
驅燕子。打鴛鴦。摘蓮偷卜郎。擘開多半是空房。羞看枕篔雙。(阮

郎歸

低髻攏花夢半醒重攜枕簟向閒庭何處玉簫風送遠倚闌聽
趁著螢光看絡緯卷開蛛網放蜻蜒不是夜長愁不寐候雙星

山花子

一片心情眼底柔倦容疎態越風流未經惆悵不知愁鴛譜怪
來鍼綫減工夫強半爲梳頭日西初見下妝樓（浣溪沙）

玉篆沈鼻永金鋪小鳳斜杜娘無力繡春紗閒倚綠萍池畔數楊
花（南歌子）

淡月溶溶花映綠琴底離愁吹滿相思曲頻整羅裳檀鈕束碧紗

明滅紅膏燭。玉漏聲低良夜促。斗帳蓮鉤半掛。鸞綃幅倚枕夢。
成風曉觸。瀟瀟亂掣窗前竹。（蝶戀花）

繡領垂髻不解愁。小眉如畫。眼波秋翠。球風定。鼻香球。窗下悔。
棋曾握臂。帳前臨鏡。看梳頭。粉雲今日障紅樓。（浣溪沙）

燕聲嬌。花影碎。日過窗西。猶自厭厭睡。一綫情絲。常似醉。九十春。
光半擁。鴛鴦被。靨銷紅眉。斂翠便到沈身。總是多情淚。說與東。

風。都不會。鏡子裙兒。曉得人憔悴。（蘇幕遮）

水殿涼生咽暮蟬。亭臺百尺映清泉。數聲雨過小荷錢。紈扇輕。
搖圓似月。冰綃斜映薄。如煙鬢雲撩亂。墮香肩。（浣溪沙）

病起閒愁消永晝。香鈕鬆金扣。時節近清明。燕子雙來翠幄輕寒透。杏花新雨池塘後。莫道春依舊。昨夜更東風。一樹海棠零落。胭脂瘦（醉花陰）

翦亂海棠絲。拋卻春心不管。楊柳那知人意。惹鶯兒啼怨。臉紅眉翠不堪銷。擁着半牀嬾。二十四花信。數春宵。愈短（好事近）

花雨繽紛迷小院。蓮步踏殘香片粉。汗搖紈扇輕紗微露黃金釧。夕照山橫天一線。水影分光上面錦帶隨風纏。釵斜爲逐雙飛燕（惜分飛）

海比相思尚有涯。輕寒鷓地惱情懷。羞看孤影鏡慵揩。戲向海

棠○花○下○過○惹○他○朱○露○溼○羅○襪○摘○雙○梅○子○戴○金○釵○（浣溪沙）

滿○徑○殘○花○襯○履○行○暖○風○吹○颺○薄○羅○輕○綠○楊○拖○覆○小○橋○橫○日○午○繡○

簾○酣○睡○燕○雨○餘○芳○樹○嚙○流○鶯○暮○春○天○氣○更○關○情○（浣溪沙）

午○夢○誰○驚○樹○影○搖○玉○樓○人○倦○倚○紅○綃○遊○絲○繫○滿○杏○花○梢○蜂○逐○窗○

檣○迷○去○路○燕○尋○壘○草○未○歸○巢○風○箏○綫○斷○傍○雲○高○（浣溪沙）

昨○夜○驚○眠○梅○雨○大○枕○前○窗○上○頻○敲○天○明○翻○覺○夢○魂○遙○起○來○看○女○伴○

熏○袖○半○香○消○雲○鎖○房○櫺○煙○鎖○竹○捲○簾○微○溼○鮫○綃○菱○花○低○照○映○眉○

梢○玉○梳○雲○髮○潤○不○喜○上○蘭○膏○（臨江仙）

風○雨○妨○春○苦○不○寬○開○簾○怕○見○嫩○紅○殘○錦○屏○深○護○早○春○寒○新○嬾○一○

身○扶○不○起○愁○痕○萬○點○鏡○慵○看○空○拈○斑○管○寫○長○歎○（浣溪沙）

淡○薄○輕○陰○拾○翠○天○細○腰○柔○似○柳○飛○綿○吹○簫○閒○向○畫○屏○前○ 詩○句○半○

緣○芳○草○斷○鳥○啼○多○爲○杏○花○殘○夜○寒○紅○露○溼○秋○千○（浣溪沙）

髻○薄○金○釵○半○鞦○輕○伴○羞○微○笑○隱○湘○屏○嫩○紅○染○面○太○多○情○ 長○怨○曲○

欄○看○鬪○鴨○慣○瞋○南○陌○聽○啼○鶯○月○明○簾○下○理○瑤○箏○（浣溪沙）

淅○淅○寒○風○撼○玉○鉤○起○來○斜○日○照○紅○樓○簾○外○一○聲○鸚○鵡○喚○喚○梳○頭○

花○發○小○春○情○脈○脈○笛○吹○長○夜○恨○悠○悠○多○少○淚○珠○彈○不○斷○情○誰○收○（

攤○破○浣○溪○沙○）

幾○日○輕○寒○嬾○上○樓○重○簾○低○控○小○銀○鉤○東○風○深○鎖○一○窗○幽○ 晝○永○香○

消○春○寂○寂○夢○殘○燭○跋○思○悠○悠○近○來○長○自○只○知○愁○
(浣溪沙)

紅○袖○香○濃○日○上○初○幾○番○無○力○倩○風○扶○綠○窗○時○掩○悶○妝○梳○
一○晌○多○慵○嫌○刺○繡○近○來○聊○喜○學○臨○書○鳥○啼○春○困○落○花○疎○
(浣溪沙)

紫○燕○雙○雙○遶○畫○梁○重○重○朱○戶○鎖○斜○陽○閒○來○獨○坐○繡○鴛○鴦○
芳○草○盈○階○侵○砌○綠○落○花○滿○院○隔○簾○香○空○庭○寂○寞○日○偏○長○
(浣溪沙)

疎○雨○滴○青○蘂○花○壓○重○檐○繡○幃○人○倦○思○厭○厭○昨○夜○春○寒○眠○未○足○莫○捲○

湘○簾○羅○袖○護○摻○摻○怕○拂○香○奩○獸○爐○香○倩○侍○兒○添○爲○甚○雙○蛾○常○鎖○
翠○自○也○憎○嫌○(浪淘沙)

繡○窗○無○那○自○卷○簾○兒○坐○羞○覩○黃○鶯○枝○上○臥○拋○去○青○梅○數○顆○
東○風○

陣陣相催。胭脂零落。蒼苔春色。依然歸去。為誰畱下。愁來（清平樂）

秋蕭索。西風一夜吹香閣。吹香閣。挑燈獨坐。半垂簾幕。滿階明月。梧桐落。滿窗涼露。吳衫薄。吳衫薄。菱花閒對。鬢雲斜掠。（憶秦娥）

真堪惜。錦帳夜長。虛擲挑罷銀燈。情脈脈。繡花無氣力。女伴聲。停刀尺。蟀蟀爭吟。四壁自起。捲簾窺夜色。天青星欲滴。（謁金門）

鎮日鶯愁燕嬾。徧地落紅。誰管睡起。薰沈香。小飲碧螺春。盤簾捲。簾捲一任柳絲風。軟（如夢令）

香暖合歡襦花落雙文枕嬌鳥出房權人在梧桐井
小院賭紅牙輸卻蒲桃錦學寫貝多經自屑泥金粉（生查子）

斷頰微紅眼半醒背人驀地下階行摘花高處賭身輕
細撥熏爐香繚繞嫩塗吟紙墨敬傾慣猜閒事爲聰明（浣溪沙）

皓腕約金環豔質生香浸玉盤曲曲屏山燈近遠偷看一樹梨花
露未乾扶起意珊珊生怕微風漾翠紈背立梧桐遠避影更闌
月轉迴廊半臂寒（南鄉子）

宿花蝴蝶惹花飛紗窗閒畫眉女兒生小在香閨開箱憐舞衣
添綫倦卷簾遲闌干讓柳垂鄰家相約踏春堤日長緩緩歸（阮

郎歸

獸香不斷紅茵煖繡筐。綵綫香中展銀尺。隔窗聲鶯啼小院晴。
吳紈輕似雪。玉手還同潔。何處最宜時。沈吟落翦遲。
（菩薩蠻）
銀蠟初銷寶鴨濃。起來珠袖褪酥脰。細數枕痕殘。夢遠牘輕紅。
雙啓螭奩交翠羽。半欹蟬鬢卸金蟲。戶掩蝦鬚寒未減。杏花風。

山花子

銀燈翦雜坐漏偏遲。欲寫烏絲。瞋燕子將輸楸局。倩獼兒薈澤乍
聞時。
（望江南）
細草平沙行春緩。緩七香車翠羽雙。雙花外起花裏倒影紅樓斜。

照水（南鄉子）

金井風微響。轆轤桐陰漏。日曉妝初薄。寒猶怯。玉肌膚。簾幙絮
縈雙紫燕。盆池花襯小。紅魚晝長耽。閣繡工夫。（浣溪沙）

晚風吹破流蘇暖。花滿香奩蝶滿湘。簾拾起。殘紅玉笋尖。未梳

蟬鬢如雲壓。膏沐微沾宮粉。輕拈十樣新眉。嬾去添。（采桑子）

眉痕頻皺不似東風舊。欺盡孤眠。寒更透。生得腰肢原瘦。梨花

靜掩長門尋常過。幾黃昏。魂向當初銷盡如何。又說銷魂。（清平

樂）

篆冷香魂去。花輕月影添。夜闌寒色滿重簷。剛是小鬟低語下珠

簾（南歌子）

柳○暖○花○寒○雨○似○酥○流○鶯○和○夢○覺○來○無○東○風○料○峭○捲○蝦○鬚○欲○覺○瀟○
湘○屏○上○路○楚○山○如○黛○少○雙○魚○口○脂○慵○點○鏡○中○朱○（浣溪沙）

小○院○藤○蕪○欲○作○叢○鞦韆○池○畔○畫○堂○東○日○斜○鶯○囀○謝○娘○慵○情○思○詭○
人○何○處○去○碧○桐○陰○裏○下○簾○櫳○玉○釵○微○墮○髻○鬆○（浣溪沙）

寶○馬○流○蘇○上○洛○津○玉○人○相○見○宋○家○鄰○重○重○屈○戌○掩○殘○春○檀○暈○乍○
消○星○的○淺○眉○痕○初○淡○月○稜○新○簾○衣○如○縠○映○橫○陳○（浣溪沙）

餞○春○時○節○深○深○院○睡○起○金○衣○花○外○囀○繡○牀○輕○素○絲○輦○一○幅○吳○綾○秋○
水○面○麝○煙○微○螺○黛○淺○衣○上○唾○絨○紅○濺○花○落○日○長○人○倦○偏○髻○拖○殘○

綫。 (應天長)

玉蘭花發清明近。花間小蝶黏香鬢。邀伴捉迷藏。露微花氣涼。
花深防暗邏。潛向花陰躲。蟬翼惹花枝。背人扶鬢絲。 (菩薩蠻)
脈脈柔情怯曉風。茜裙雙帶綰芙蓉。僻徑遇人羞背立。柳陰中。
幾度暗顰眉。黛綠一回微笑粉痕紅。願作翠堤芳草。軟襯鞦韆弓。 (

山花子)

豔曲背人偷。和小疊雲箋。粉澹窗下理春衣。重認石華新。睡無那。
無那繡被半溫愁。臥 (如夢令)

落紅萬片。花如雨。子規聲裏啼春去。春去有人愁。鴉。箏。嬾。下樓。

伴羞嬌掩袖。知否情依舊。小立怕催歸。貪看雙燕飛。
(菩薩蠻)

雛燕。雨過綠槐如染。小徑行來。蓮印淺。新苔添數點。
簾上蝦

鬢半捲。甌內鳳團初碾。瞥見回廊。羞自掩衫輕。微露腕。
(謁金門)

蛾眉淡芙蓉。映日秋將半。秋將半。畫樓微醉。鶯兒聲喚。
小橋日

日嬌癡。慣甚無情緒。心腸亂。心腸亂。慵拈鍼綫。拋殘絃管。
(憶秦

娥)

輕勻粉面。斜梳蟬鬢。小閣妝成。獨坐東風。幾陣漾簾鉤。捲無數。楊

花飛過。閒庭草綠。紗窗人靜。只有燕兒和我。暗將春恨。數從頭

恰恰被鶯聲啼破。
(鵲橋仙)

日影罨。眉罷曉。眠蝦鬢。簾捲嫩涼偏。工夫拚得費周旋。玉腕半。擡釵上。鼻星眸。頻轉鏡中傳。妝成應得箇人憐。（浣溪沙）

鞦韆牆外紅橋畔。香徑籠雲零落桃花片。一點芳心如絮亂。繡牀斜倚慵添綫。拾翠重來尋女伴。笑摘櫻桃簾底彈。新燕頻約鴉。鬢釵更顫輕綃微露雙金釧。（蝶戀花）

堪憶處。牆繞院西樓。紅樹窗前花鬪錦。碧天簾外月如鉤。時序又新秋。消瘦了。減卻舊風流。閒摘珠蘭供晚浴。爲開茉莉更梳頭。同坐看牽牛。（雙調望江南）

陌柳長池波皺。年去年來。只有春依舊。怕理羅衫寒欲逗。雨雨風

風做出清明候。糝麝蕪函。荳蔻一種閒情。慣惹人消瘦。忽憶花陰初見後。半晌無言。只把鴛鴦繡。（蘇幕遮）

碧幃深綃被暖。到枕流鶯。只向夢中喚。日映湘屏宮錦燦。簾外遙山一抹。煙鬢亂。倒紅螺遺翠鈿。昨夜歌喉。纍纍珠成串。滿院綠陰。人不見。風颭柔紅。隱約桃花面。（鬢雲鬆）

舒玉腕。鬪草昨贏。纏臂換明日。湔裾誰伴。問他伴。不管幾疊纔開。羅扇莫教。題字滿空。卻迴文一半。有人親落款。（歸國遙）

嫩綠麩麩。日半低。困人天氣。掩深閨。近來腰瘦帶應知。繡幄風開。疑蝶亂。玉樓夢遠。怕鶯啼。此時心事。倩誰題。（浣溪沙）

微○暈○嬌○花○溼○欲○流○簾○紋○燈○影○一○生○愁○夢○回○疑○在○遠○山○樓○
殘○月○暗○
窺○金○屈○戌○輕○風○徐○蕩○玉○簾○鉤○待○聽○鄰○女○喚○梳○頭○
(浣溪沙)

彷彿清溪似若耶○底須惆悵怨天涯○青驄繫處是儂家○
生○小○畫○
眉○分○細○繭○近○來○綰○髻○學○靈○蛇○粧○成○不○耐○合○歡○花○
(浣溪沙)

柳○暖○花○寒○懊○惱○時○春○情○脈○脈○情○誰○知○廉○纖○香○雨○正○如○絲○
團○就○鏡○
臺○烏○鰓○墨○寄○來○江○上○鯉○魚○詞○此○生○有○分○是○相○思○
(浣溪沙)

憔悴心情春衫試○著腰圍闌干閒○凭一碧疎簾靜○
那○更○東○風○
落○盡○殘○紅○徑○波○光○映○空○明○如○鏡○絮○拂○娉○婷○影○
(點絳脣)

薄○病○灑○灑○紅○窗○欲○繡○愁○添○綫○桃○花○人○面○深○鎖○垂○楊○院○
不○是○傷○春○

一○種○閒○情○倦○憑○誰○倩○珠○簾○斜○捲○放○入○雙○歸○燕○
(○點○絳○脣○)

翠○浪○生○紋○點○曲○池○春○深○閨○閣○弄○妝○遲○弓○鞦○羅○襪○踏○青○時○
鴉○鬢○輕○

分○金○縷○縷○燕○釵○低○顫○玉○差○差○杏○花○春○雨○細○如○絲○
(○浣○溪○沙○)

畫○簾○風○裊○茶○煙○細○頻○呼○金○雀○煎○勻○未○指○約○玉○瓠○寒○輕○分○小○鳳○團○

槐○陰○低○散○處○葉○隱○黃○鸞○語○返○照○上○窗○紗○棋○聲○點○落○花○

青○粉○牆○高○是○誰○紅○索○中○搖○曳○窄○衫○初○試○轉○覺○腰○支○細○
冷○笑○江○南○

不○省○春○遊○戲○層○檐○底○畫○裙○窄○地○生○怕○風○扶○起○
(○點○絳○脣○)

萱○惹○香○合○正○未○筭○三○年○媽○笑○手○長○攜○羽○衾○熨○處○分○龍○腦○羅○幃○縫○成○

索○麝○臍○花○並○蒂○燕○雙○棲○合○歡○猶○卜○紫○姑○乩○旁○人○已○道○成○連○理○惹○

得春山翠黛低（鷓鴣天）

繡苑晴光盡日佳，更無愁思望天涯。
名花結果春前定，小鳥姻緣枝上諧。
纏錦帶，脫金釵，秋千架子近香街。
綵繩握處開裙衩，多

少春風正入懷（鷓鴣天）

賦得將離向綺窗，桃花流水送游鱖。
柔腸乍結先迴九，小字親鉤定取雙。
同玉案，伴銀釵，慣來一向不驚危。
多情恐逐浮萍去，發

願拈鍼繡佛幢（鷓鴣天）

疎雨東輕涼，微漏殘陽竹屏。
茉莉吐清香，人在綠蕉窗底。
下初試羅裳，咿軋弄漁榔。
搖漾雲光隔溪，蓉柳學新妝。
伴向清波搖扇

影○驚○了○鴛○鴦○（賣花聲）

魚○子○蘭○香○曉○露○滋○起○來○移○近○繡○簾○絲○嫩○黃○初○翦○兩○三○枝○喚○得○雪○

兒○教○捧○去○葵○花○小○合○豆○青○盜○謝○娘○剛○好○曉○妝○時○（浣溪沙）

鵝○淺○初○勻○額○雲○低○乍○壓○鬢○琴○心○漏○出○小○眉○彎○手○摘○雙○頭○蘭○蕊○暗○生○

憐○燕○語○窺○閒○繡○鴛○啼○怯○小○眠○夜○來○私○語○綺○窗○前○因○甚○蟾○輝○三○五○

未○曾○圓○（南歌子）

月○照○沙○榭○明○似○雪○柳○梢○暗○墜○流○螢○青○團○扇○子○撲○還○停○玉○階○風○細○枕○

簾○嫩○涼○生○扶○倦○欲○眠○眠○不○得○誰○家○樓○上○吹○笙○蒼○苔○點○點○露○痕○凝○

闌○干○倚○處○樓○角○看○移○星○（臨江仙）

十二珠樓列繡屏。綠楊紅杏暖風輕。春愁一縷細調箏。暮篆繞簾香。寢燕晴花灼樹暖。流鶯無言獨自展桃笙。浣溪沙。

眉翠都殘。晝未成。臉紅微褪。夢初醒。惱他妝鏡。忒分明。心裏只因常有恨。人前還似不知情。背拈釵子畫銀屏。浣溪沙。

小樓春芳院。暮翠映紅遮。處處迷香霧。坐待宵深。肩繡戶。半鞦釵倚枕。輕輕語。彩雲流。纖月吐。豈惹花開。不耐凝新露。漏斷玉壺天。欲曙柳外鶯兒啼。過紗窗去。蘇幕遮。

枕畔堆雲小。髻鬆無人幽。夢自惺忪起來閒倚玉屏風。暗水漫侵芳草綠。殘鶯頻睨。熟梅紅日斜。簾影恨重重。浣溪沙。

紈○扇○輕○羅○趁○晚○涼○盈○盈○十○里○藕○花○香○玉○釵○微○彈○倦○來○粧○曲○檻○風○
多○鋪○枕○簟○小○池○水○皺○戲○鴛○鴦○凭○闌○無○語○暗○思○量○（浣溪沙）

欲○繡○合○歡○襦○先○畫○雙○鴛○譜○口○誦○梵○王○經○窗○外○教○鸚○鵡○香○暖○夏○蘭○

開○細○屈○春○織○數○綠○蟻○上○盆○牙○倒○撥○金○釵○股○（生查子）

滑○簟○橫○陳○金○帶○枕○春○夢○窄○見○日○高○還○寢○屨○窗○過○雨○蘋○颿○迅○被○萬○荷○

喧○醒○纔○傍○圓○冰○勻○媚○粉○因○郎○勸○又○中○卯○酒○瞽○騰○難○定○翠○幃○重○展○

任○蟬○雲○不○整○（紅窗睡）

月○上○湘○簾○燭○影○移○凝○粧○還○理○繡○好○花○枝○玉○肩○微○彈○翠○蛾○低○交○枝○上○

小○鳥○正○雙○棲○香○燼○夜○淒○迷○迴○文○剛○織○就○又○重○題○欲○箋○情○事○恐○人○

知停鍼處。一寄相思（小重山）

千頃雲邊笑語來。苔痕偷染踏青鞵。相扶紅袖下瑤階。畫扇細

黏蝴蝶粉。花闌賭記牡丹牌。祝他蟾子上金釵（浣溪沙）

未解相思學避人。慵開笑口易眉顰。不知何事不宜春。稱撥香

絃。纖指爪怯迴珠。被小腰身賺他寶馬一逡巡（浣溪沙）

描黛無心鎖鏡鸞。雀釵斜壓鬢雲殘。重門入靜意闌珊。菡萏風

來金屈戌。芭蕉雨過玉闌干。虛廊小立乍微寒（浣溪沙）

瑞圖勝字飛白閒。書地隔院燈光人語細。親祝好春如意。曉來

喜氣當關。分明巧樣連環。幾日縷金綵燕。又看扶上釵環（清平

樂

小鬟衫著輕羅髮如螺睡起釵偏髻倒喚娘梳
心上事春前景
悶中過打疊閒情別緒教鸚哥（相見懽）

風屑屑吹冷一簾新月深苑薔薇和影折兜帶紅刺密
昨夜露

濃苔滑早又淺花濃葉閒倚紅窗尋綠蜨犀簾銀蒜揭（謁金門）

一盞寒燈撩人意緒含情更惱龍涎氣朦朧月向別家圓有情天

也還如醉 嬾描鴛枕慵溫翠被悶來不管和衣睡一場好夢殢

人來醒時憶卻無頭尾（踏莎行）

銀蒜低垂紫玉鉤鴛鴦春睡暖燭光浮催花風急燕聲柔青鬢亂

斜墮玉搔頭。密意鎖雙眸。別離猶未說，淚先流。博山香裊，畫屏幽。分手處，樓外晚雲稠。
（小重山）

春夜小樓寒。重花插膽瓶。香凍燭淚，串紅珠。透入月痕窗縫，如夢如夢。何處曉鐘吹送。
（如夢令）

椒閣杏梁春好。密態餘嬌。人小珍簾。玉花紋帳掩威蕤。香鼻窗曉。窗曉枕畔。墜釵聲悄。
（如夢令）

縷金繡帶同心結。繫在羅裙穩。稱腰身。壽過花陰不動塵。來禽枝上。鶯黃語聽得。銷魂又近斜曛。燕子歸時。蚤閉門。
（采桑子）

百囀新鶯在柳梢。杏花嬌欲語。映輕綃。銀塘東畔赤欄橋。尋芳去。

女伴記會邀。扶袖上蘭橈。臨波爭照影。儘妖嬈。休將閒事故相嘲。纔一笑。雙頰上紅潮。（小重山）

人靜擁爐時。節夜闌。翦燭房櫺枕邊。花落膩殘紅。欹側釵頭小。鳳睡裏。旋銷酒暈。醒餘還似春慵。鈴聲不耐五更風。並起秋衾說。

夢（西江月）

膠鬢新拭。正是停鍼日。小扇撲餘無氣力。風裏楊花吹急。銷凝石畔兜鞵。不知暖蒼苔。欲就濃香一夢。翩翩胡蝶飛來。（清平

樂）

紅紫爭妍。畫簾開處。香成陣。暖風吹鬢。羅綺春肌困。十二樓前。

望○斷○天○涯○信○無○人○問○燕○泥○銜○盡○花○落○黃○昏○近○（點絳脣）

高○樓○百○尺○月○孤○明○綠○窗○梅○影○縱○橫○畫○屏○小○倚○聽○殘○更○欲○睡○寒○生○

沈○水○添○熏○金○鴨○羅○帷○自○照○蓮○檠○枕○邊○春○夢○不○分○明○一○夜○零○星○（畫

堂春）

畫○閣○新○晴○春○意○濃○流○鶯○啼○到○綠○陰○中○日○長○風○靜○花○影○隔○簾○紅○倚

檻○有○情○調○翡○翠○熏○香○無○力○繡○芙○蓉○閒○尋○好○夢○獨○自○掩○房○櫳○（琴調

相思引）

紫○陌○人○嬌○細○馬○馱○綠○楊○風○碎○亂○鶯○歌○箇○儂○閨○裏○笑○蹉○跎○珊○枕○有

情○圓○夢○小○芸○篝○無○賴○縈○香○多○春○山○也○會○賺○雙○蛾○（浣溪沙）

簾外將雛燕。語忙綠陰濃。壓繡金牀。困人天氣。費商量。梅子酸。
心憐舊渴荷花嬌。面學新粧。干卿何事。惱迴腸。(浣溪沙)
斜挂桐梢月一弓。碧雲高洗暮天空。疎螢無力點簾櫳。涼意嫩。
侵團扇底。秋心微裊。篆煙中小鬢催著。越羅重。(浣溪沙)
的的苔枝破臘前。粧臺人影共清妍。正呵纖手貼花鈿。金鴨熏。
添。薰栢夜。玉龍鬪出。煮茶天。鴛鴦波冷可成眠。(浣溪沙)
清晝如年。閒堵坐。戀秋梧影。篆煙飄鼎。午枕人初醒。中酒黏花。
又是懨懨病。蘭房靜倚來。香鬟倩把搔頭整。(點絳脣)
消滅。惟應鵲鏡知。壓肩濃綠鬢。歛病容。扶起淡黃時。碧院無。

人○春○寂○寂○畫○樓○有○燕○雨○絲○絲○藥○煙○影○裏○過○相○思○（浣溪沙）

梨○花○小○院○東○風○謝○無○主○殘○春○燕○子○尋○人○巷○口○斜○陽○記○不○真○ 箇○儂○

背○面○羅○窗○下○粉○淚○偷○勻○立○到○黃○昏○淡○月○微○風○上○繡○裙○（采桑子）

碧○柳○春○檐○雨○青○梧○夜○閣○風○箇○人○香○夢○恰○朦○朧○又○是○和○衣○熟○睡○小○屏○

中○ 薄○鬢○傾○濃○綠○清○燈○暈○小○紅○玉○爐○熏○被○半○牀○空○一○縷○水○洗○煙○鼻○

繡芙蓉（南歌子）

彩○扇○輕○遮○畫○燭○紅○捲○簾○微○步○玉○丁○東○眼○波○低○翦○篆○絲○風○ 梅○額○有○

香○人○澹○澹○梨○雲○無○夢○月○朧○朧○暗○驚○雕○刻○費○春○工○（浣溪沙）

簾○底○燭○花○銷○盡○惹○得○春○寒○春○悶○初○月○乍○朦○朧○香○花○風○ 繡○帳○文○鸞○

半掩人在畫屏前。道是沒心情。理銀箏（昭君怨）

蕉綠漲。瑤笛鸚鵡雕籠絮。語長金井汲。泉閒沃手梳妝。虛髻藏花。
茉莉香。團扇更悠揚。小釧輕紗淺露黃。削了冰桃兼雪藕。迴廊
消受桐風一陣涼（南鄉子）

閒說碧桃開滿院。強作尋芳伴。畫橋西畔弄秋千。幾葉繡裙飄碎。
綠楊煙。秦樓記有蕭郎約。春色輕拋卻。香鬢不整。鞦韆金釵知向
亂花深處。悄歸來（虞美人）

低髻晚來粧。袖捲金釵露。閒展霜紈試綵毫。偷寫蕭郎句。薄汗
不沾衣。玉骨偏消暑。茉莉花前坐。晚風細數流螢度（卜算子）

綵絡雙鉤銀蒜小鸚哥簾外貪眠幾枝楊柳漾新煙碧闌絲雨嫩
人在落花天半鞦韆香鬢窗裏坐書愁自疊紅牋夾衫初著卸輕
綿珊瑚腰更瘦不耐晚風前（臨江仙）

捲起疎簾嬾立鉤鸚哥無賴喚梳頭天涯人遠倚層樓燕尾翦

春寒雨細鶯歌潛日曉風柔賣花聲裏夢揚州（浣溪沙）

日射桐陰桐色鮮桐花吹落小窗邊閨中閒趣自年年刺繡恁

般鍼腳細拈詞好箇筆頭尖錯教夫婿認神仙（浣溪沙）

風約水晶簾倦枕初忺瑤階午漏落瓊籤燕子歸來催夢醒輕語

雕簷閒把玉簪拈情思厭厭綠雲斜挽向冰奩一縷新愁無處

著。又。上。眉。尖。
(浪淘沙)

月。上。輕。羅。扇。涼。生。小。畫。衣。玉。腕。又。重。攬。曲。池。風。不。定。水。螢。飛。
(南

歌子)

茜。袖。凝。香。重。銀。燈。照。影。嬌。人。去。月。痕。消。畫。堂。空。似。水。可。憐。宵。
(南

歌子)

雲。屏。曲。曲。圍。金。屋。謝。娘。睡。起。新。粧。束。花。影。上。春。衣。天。然。畫。折。枝。

輕。紈。霜。一。面。瞥。向。花。陰。見。生。小。愛。雙。棲。妬。他。蝴。蝶。兒。
(菩薩蠻)

紅。襟。小。燕。入。簾。初。杏。花。春。雨。疎。疎。日。長。人。困。一。愁。無。香。冷。金。鋪。

峽。蝶。偷。窺。翠。鬢。東。風。故。裊。輕。裾。等。閒。妨。了。繡。工。夫。細。數。花。鬢。
(畫

堂春)

十二重簾鏡檻邊。玉鉤高捲晚春天。綠陰庭院鳥聲圓。茶盃新
芽嘗雀舌香爐小片。燕涎儘消殘。晝落花前。(浣溪沙)

昨夜雨聲成陣。一霎小園紅褪。曉起不勝寒。薄病和花俱困。休恨
休恨。簾外綠楊風定。(如夢令)

夜靜雪光穿牖。自下重簾。惇繡睡鴨。縱熏香輾轉。孤衾寒透。知否
知否。人比黃花還瘦。(如夢令)

藥鼎微溫枕半欹。不曾中酒眼迷離。憶著傷春斷腸句。總無題
弱絮。輕萍愁似水。曉風殘月。命如絲。簷馬丁東。燈燄小五更時。(

攤破浣溪沙

支○枕○簾○垂○到○夜○分○風○鐸○無○聲○雨○漏○無○聲○思○量○往○事○夢○難○成○淺○笑○分○
明○低○語○分○明○檀○几○焚○香○睡○鴨○清○溼○露○閒○庭○細○草○流○螢○更○闌○獨○自○
下○階○行○月○影○亭○亭○人○影○亭○亭○（一翦梅）

曲○闌○干○畔○葉○葉○清○陰○亂○雨○過○小○池○風○滿○院○別○樹○蟬○聲○欲○斷○幾○叢○
茱○萸○香○清○心○情○分○付○桃○笙○何○處○恰○宜○小○睡○水○窗○涼○月○初○生○（清平
樂）

銀○鴨○香○消○寶○篆○輕○青○羅○衫○子○薄○寒○生○畫○樓○低○按○小○秦○箏○楊○柳○簾○
開○新○雨○後○杏○花○門○掩○曉○鶯○聲○春○風○無○處○不○關○情○（浣溪沙）

月）
更漏沈沈無眠低枕橫琴纔是響騰倚睡窗前蚤喚山禽（憶蘿

策策初飄金井桐西風依約到簾櫳晚妝情態儘春容 鬢溼露

華雲細膩裙扶花影月朦朧小闌干外鬧秋蟲（浣溪紗）

晚粧初就爐篆空閒晝冷落夕陽疎雨後花影一簾紅瘦 低鬟

無語盈盈晝羅涼意微生爲問翠陰孤蝶近來多少春情（清平

樂）

檻外宵深漏點遲乳爐香繞玉罌恩柔魂消盡一燈知 寶鏡不

須○臨○月○照○玉○笙○曾○聽○隔○花○吹○滿○襟○香○露○立○多○時○（浣溪紗）

一○陣○荷○香○遞○笑○聲○綠○陰○簾○幙○晚○涼○生○禿○襟○小○袖○絳○紗○輕○閒○把○宿○

茶○澆○茉莉○戲○縫○羅○袋○捉○流○螢○水○晶○簾○外○月○初○明○（浣溪紗）

早○起○慵○描○淺○黛○螺○晚○來○喜○捉○小○紈○羅○獨○倚○鴛○鴦○雙○戲○處○看○風○荷○

坐○沒○心○情○衣○摺○亂○眠○無○氣○力○篔○紋○多○浴○罷○一○鉤○新○月○上○夜○如○何○（

攤○破○浣○溪○紗○）

翠○地○簾○垂○不○卷○花○熨○香○金○斗○漫○烘○霞○春○陰○寒○較○夜○來○些○纔○諱○言○

愁○眉○翠○聚○整○思○尋○夢○徑○紅○遮○關○心○雙○燕○絮○年○華○（浣溪紗）

暗○水○似○隨○鏡○溼○晚○涼○都○傍○衣○生○小○樓○今○夜○起○秋○聲○星○光○釵○外○動○月○

豔臉邊橫。設果庭中私語結。璘案下低盟。佩聲燭影已三更。沈
香煙底坐。雙髻笑吹笙。（臨江仙）

倒插犀簪。彈翠鬢吹來芳氣細。如蘭春情不斷似連環。蛟螭數
雙。圖出易鴛鴦。一對繡成難。杏花微雨瑣窗寒。（浣溪紗）

翠被生寒。寶篆斜銀荷半炷。透窗紗。舊時閒事記些些。嬾向重
幃鬆扣領。誰來隔院理琵琶。自攜殘蠟照梅花。（浣溪紗）

金斗香生。繞畫簾細風時拂。兩眉尖繡牀。鍼綫幾曾添。數點落
花紅寂寂。一庭芳草雨。纖纖不須春病也。慊慊。（浣溪紗）

東風似惜離顏瘦。不許紗窗輕皺。吹得梅芽香透。纔是郎歸候。

屏山十二春。依舊買幅生綃。重繡花影雙雙。當畫莫遣離情。又（

桃源憶故人）

繡衣風透餘香。織玲瓏嫩葉。凝眸碧花影半。簾秋簫聲起。畫樓

夜深人獨立。風雨蕭蕭急。燭地閃虛樞。疎枝映素屏。（菩薩蠻）

深院閒春晝。小篆歎金獸。一杯清茗一枰棋。正杏雨香飛候。鷓

鴝新聲。酒。驀地驚回首。無端輸卻玉搔頭。倚屏笑。撚花枝。嗅。（眉

峰碧）

翠竹陰深。暑半消。玉荷池畔。暗香飄。半規月影上梧梢。團扇倩

人塗。峽。蜨。畫叉喚。婢捲簾。蛸小屏風底。換輕綃。（浣溪紗）

昨○夜○春○寒○減○一○分○畫○羅○屏○做○坐○凌○晨○隔○簾○新○綠○正○當○門○紫○燕○迴○
廊○風○似○翦○紅○薇○小○院○雨○如○塵○養○花○天○氣○護○花○人○（浣溪紗）

錦○帳○新○閒○舊○鴨○爐○暗○塵○香○送○午○晴○初○杏○衫○不○解○稱○身○無○綠○草○關○
完○雙○臉○暈○翠○雲○洗○罷○小○蟬○梳○更○開○筠○扇○索○人○書○（浣溪紗）

露○彩○淡○高○空○煙○華○漾○斷○虹○驗○秋○聲○一○葉○疎○桐○白○紵○衫○輕○涼○似○水○添○
幾○陣○藕○絲○風○珀○盞○玉○膠○濃○顯○渦○小○暈○紅○凭○香○肩○細○語○歡○濃○貪○向○

水○晶○簾○畔○坐○花○隱○約○月○玲○瓏○（唐多令）

對○鏡○何○心○理○翠○鈿○粉○柔○香○輒○只○貪○眠○金○鑪○裊○出○並○頭○煙○飄○盡○柳○
絲○人○似○夢○燒○殘○銀○燭○夜○如○年○小○樓○閒○過○杏○花○天○（浣溪紗）

小病懨懨掩鏡臺。藥鑪煙裏送春回。小園一月未曾開。蝴蝶那
知人意懶。撲簾猶是舞。低徊熏篝閒了。踏青鞵。（浣溪紗）

南浦驚鴻賦洛神。牀前銀燭照佳人。海棠乍溼胭脂雨。荳蔻輕翻
峽。蝶春。百寶帳。鏤金裙。綠楊鶯囀畫堂曛。台歡羅勝初裁。翦低
喚卿卿。細不聞。（鷓鴣天）

昨夜桃飛雨。今朝柳作絲。曉窗不卷綠珠簾。又是亂鶯處。惱人
眠。鸞匣開妝鏡。雲鬢貼翠鈿。來看女伴戲鞦韆。幕地一番閒。恨
入眉尖。（南柯子）

杏子輕衫鬢貼鈿。鞵頭新鳳裏金蓮。妝成背鏡怨春天。楊柳千

條○郎○馬○上○桃○花○一○樹○妾○門○前○小○橋○流○水○夕○陽○邊○（浣溪紗）
繡○牀○無○那○嬾○去○添○爐○火○一○種○淒○涼○誰○似○我○只○有○玉○梅○幾○朵○雙○鬢○
未○解○閒○愁○笑○來○窗○下○凝○眸○昨○夜○春○歸○柳○上○教○他○放○下○簾○鉤○（清平

樂）

楊○柳○風○多○卷○繡○幃○杏○花○雨○重○溼○銖○衣○等○閒○看○盡○燕○雙○歸○騰○帳○貌○
兒○翻○白○雪○網○檐○罇○子○冑○紅○絲○日○長○無○事○畫○眉○遲○（浣溪紗）

寶○檀○閣○上○開○晴○旭○雕○樞○掩○映○玻○璃○綠○長○日○繡○羅○襦○一○雙○明○月○珠○
院○深○行○迹○杳○風○落○榆○錢○小○未○肯○學○秋○千○防○人○拾○翠○鈿○（菩薩蠻）
讀○畫○繙○書○悟○夙○因○綠○窗○餘○事○作○鍼○神○從○來○不○負○百○花○辰○廿○四○番○

風○輕○似○燕○十○三○行○字○瘦○如○入○落○紅○和○淚○送○殘○春○（浣溪紗）

惜○惜○庭○院○沈○沈○簾○幕○坐○到○黃○昏○無○那○玉○鑪○片○腦○已○都○消○剛○贖○得○一○
星○兒○火○ 蛾○鏡○剔○罷○蚊○幘○掩○卻○斜○扣○金○訶○待○臥○恰○愁○夜○短○夢○偏○長○
含○笑○約○檀○郎○分○作○（鵲橋仙）

一○綫○東○風○颺○鬢○絲○小○窗○斜○日○倦○眠○時○閒○愁○未○許○杜○鵲○知○ 香○草○鬪○
成○離○恨○譜○落○花○排○就○送○春○詞○紅○泥○小○印○署○情○癡○（浣溪紗）

爐○鴨○香○煙○黯○碧○紗○嬌○鶯○囀○處○綠○陰○遮○風○飄○羅○磴○又○飛○花○ 繡○榻○倦○
挑○枝○上○螭○歌○筵○醉○鞦○韆○邊○鴉○翠○樓○消○受○好○年○華○（浣溪紗）

一○角○紅○窗○低○嵌○月○矮○屏○山○蹙○羅○紋○梨○花○情○性○怕○黃○昏○淚○憐○銀○燭○淺○

心○比○玉○鑪○溫○
底○事○難○鬢○愁○不○醒○冬○冬○
蚪○箭○宵○分○起○來○親○手○放○簾○
痕○春○空○涼○似○水○西○北○有○嬌○雲○
(臨江仙)

記○得○年○時○忽○地○逢○粉○牆○西○畔○
畫○樓○東○一○春○無○雨○又○無○風○
印○枕○霞○痕○撩○鬢○角○背○鏡○酒○
暈○上○眉○峰○那○回○曾○覩○可○憐○紅○
(浣溪紗)

蘭○愁○壓○鏡○鵲○鎖○沈○煙○和○瘦○
影○細○數○花○期○一○翦○春○陰○
護○曉○衣○深○深○庭○院○
綠○繡○苔○鋪○榆○莢○滿○人○正○
垂○簾○燕○子○歸○來○繞○畫○檐○
(減字木蘭)

花)

吹○緊○玉○塵○沙○兩○兩○三○三○
竹○影○斜○特○地○挑○燈○思○好○
夢○梨○花○可○惜○銀○屏○半○面○
遮○風○急○噤○歸○鴉○翠○袖○
疎○慵○酒○力○賒○怪○底○小○鬢○
呼○不○應○煎○茶○

約○略○闌○陰○露○髻○了○（南鄉子）

試○換○羅○衣○待○月○明○玉○人○先○上○水○西○亭○鴛○鴦○睡○了○莫○吹○笙○ 渲○碧○斜○
行○蘋○葉○愁○糝○金○橫○幅○桂○花○屏○一○池○秋○水○浴○雙○星○（浣溪紗）

晚○來○寒○重○玉○漏○詮○幽○夢○冰○樣○被○池○推○不○動○釀○出○春○愁○幾○種○ 呼○鬢○
小○試○團○茶○心○香○微○印○些○些○燕○子○未○歸○風○定○簾○鉤○一○寸○松○花○（清平

樂）

醉○紅○印○枕○嬌○無○那○一○枝○晴○雪○黎○花○妥○還○恁○怯○生○疎○嫌○他○鏡○未○枯○
翠○蛾○低○欲○結○輓○語○支○蘭○息○那○有○睡○功○夫○霎○時○驚○鷓○鴒○（菩薩蠻）
斜○日○小○樓○高○花○顫○釵○翹○蠻○雲○潤○逼○鏡○奩○潮○簪○上○茶○蘼○齊○換○戴○梅○子○

櫻○桃○ 萬○綠○隱○窗○寮○簾○額○風○交○歸○來○燕○子○語○無○聊○似○與○綠○楊○紅○藥○
說○春○去○今○朝○（賣花聲）

安○置○梅○花○小○閣○間○鴛○鴦○繡○被○替○裝○綵○怕○人○挨○冷○只○催○眠○ 難○道○夜○
長○該○夢○短○端○因○愁○重○怕○身○閒○好○難○消○受○曉○霜○天○（浣溪紗）

金○貌○片○腦○熏○猶○熱○掩○過○銀○屏○倚○罷○銀○箏○遮○莫○街○頭○已○二○更○ 紅○綃○
輕○揭○菱○花○套○鸚○夢○微○錫○鴉○夢○纔○醒○寶○串○鬆○時○玉○一○聲○（羅敷豔歌）

櫻○桃○架○底○翦○翦○東○風○細○唬○殺○畫○眉○慵○未○起○漠○漠○繡○簾○垂○地○ 簾○前○
盡○日○飛○花○門○前○幾○樹○藏○鴉○手○把○一○枝○紅○豆○錯○疑○春○在○兒○家○（清平

樂）

準○擬○輕○紗○籠○薄○暑○忽○做○纖○纖○雨○雨○後○隔○牆○聞○笑○語○夜○來○秋○幾○許○
一○樹○嫩○陰○無○著○處○燕○子○涼○邊○絮○簾○靜○不○教○香○散○去○點○書○閒○過○午○

四和香

珧○窗○花○氣○烘○初○日○綠○雲○低○挽○嬌○無○力○不○許○做○銀○屏○粉○脂○紅○未○勻○
新○梳○翻○燕○尾○春○在○菱○花○裏○倒○影○閃○金○釵○妒○伊○雙○鳳○開○（菩薩蠻）
春○歸○悶○眠○難○穩○閒○來○吹○箇○團○團○暈○虛○空○界○圓○光○藹○窗○邊○纔○過○又○飛○
簾○外○快○快○快○朱○脣○吮○香○泉○潤○笑○拈○湘○管○郎○肩○噴○風○前○擺○兒○曹○待○
明○珠○無○數○霎○時○何○在○再○再○再○（釵頭鳳）
鏡○影○波○平○帖○生○香○路○細○通○踏○花○心○輕○斂○春○弓○偃○定○蘼○蕪○小○徑○蹴○殘○

紅○裾○颺○時○飄○颺○髮○傾○數○避○盞○神○光○難○定○是○驚○鴻○又○被○柳○絲○扶○入○
綠○煙○中○（南柯子）

青○粉○牆○低○柳○倚○門○疎○簾○斜○日○燕○尋○人○最○難○消○遣○是○深○春○ 閒○凭○繡○
牀○思○夢○笑○怕○繡○簫○譜○見○嗁○痕○櫻○桃○花○下○又○黃○昏○（浣溪紗）

春○寒○不○度○垂○楊○樹○風○懶○澹○澹○吹○香○絮○霏○雨○午○天○晴○隔○花○聞○笑○聲○
嫩○篔○微○解○籊○鏡○檻○新○陰○薄○斷○續○水○沈○煙○燕○窺○人○晝○眠○（菩薩蠻）

醉○纈○紅○綃○約○翠○鈿○碧○羅○籠○月○伴○鞦韆○今○夜○新○寒○分○一○半○到○郎○邊○
蠻○蠟○同○心○搖○翠○幌○蜀○箏○纖○手○擷○朱○絃○學○囀○春○鶯○渾○不○似○似○嗁○鶻○（

山花子）

道。是。采。芳。來。倏。過。春。時。節。陣。陣。東。風。陣。陣。愁。吹。得。花。如。雪。瞥。見。

玉。釵。搖。又。背。銀。屏。立。笑。謎。佳。期。故。不。言。手。作。團。圓。月。（卜算子）

湘。簾。底。香。雪。五。銖。飄。一。翦。熟。羅。涼。病。骨。數。行。生。紙。澀。吟。毫。坐。待。篆。

煙。消。（憶江南）

清。宵。永。蠟。炬。施。遲。遲。六。尺。屏。窩。藏。密。語。一。枝。簫。孔。漏。相。思。背。地。有。

人。知。（憶江南）

妝。臺。畔。絮。語。阿。鬢。親。戲。放。蘭。花。燒。欖。核。巧。排。梅。瓣。鬪。瓜。仁。閒。事。最。

宜。人。（憶江南）

畫。羅。裙。換。秋。紋。欄。齊。執。扇。底。秋。痕。淺。歸。夢。卜。秋。期。釵。頭。燕。子。飛。

瘦○鞵○弓○窄○窄○立○近○闌○干○側○惆○悵○晚○來○風○海○棠○花○未○紅○（菩薩蠻）
春○雨○怯○單○衣○春○夢○燈○知○春○痕○顛○顛○到○眉○姿○只○道○寒○深○耽○病○久○諱○說○
相○思○斜○日○下○罌○鴛○語○迷○離○碧○闌○干○外○記○逢○伊○笑○撚○桃○花○伴○不○
覺○泥○立○移○時○（賣花聲）

依○依○人○語○花○雲○疊○鳳○鈿○墮○響○迴○停○屢○瘦○影○可○憐○妝○一○枝○秋○海○棠○
昨○宵○涼○思○闊○坐○夢○樓○西○月○月○好○怯○風○尖○捲○簾○還○下○簾○（菩薩蠻）
小○鏡○菱○花○對○舞○鸞○曉○妝○樓○上○怯○衣○單○一○簾○微○雨○作○秋○寒○鎖○夢○暗○
通○金○屈○戌○倚○嬌○斜○鞵○玉○闌○干○長○眉○畫○了○借○人○看○（浣溪紗）
獨○背○屏○山○一○欠○伸○愁○中○強○笑○夢○中○顰○櫻○桃○花○謝○不○開○門○夢○影○曉○

香○嫌○翠○羽○愁○心○怕○晚○易○黃○昏○金○鑪○可○是○解○溫○存○（浣溪紗）

鈿○笙○勒○住○春○寒○峭○記○闌○干○同○靠○除○他○明○月○照○儂○來○去○更○誰○知○道○

天○涯○有○約○飛○歸○權○說○薔○薇○開○了○吳○箋○雙○疊○印○文○紅○押○鴛○鴦○顛○倒○（

賀○聖○朝○）

一○隊○鴛○鴦○照○影○明○秋○風○吹○送○畫○船○輕○晚○涼○水○閣○護○紅○燈○ 紈○扇○風○

來○香○綽○約○羅○衣○月○上○影○娉○婷○桂○花○濃○處○玉○簫○聲○（浣溪紗）

寂○寞○春○人○倚○畫○樓○羅○帷○閒○挂○小○銀○鉤○冷○香○吹○上○玉○搔○頭○ 花○影○如○

雲○剛○夢○醒○月○華○似○水○有○波○流○夜○涼○無○睡○不○勝○愁○（浣溪紗）

淺○畫○蛾○眉○澹○欲○仙○素○馨○花○重○鬢○雲○偏○曉○妝○纔○罷○又○思○眠○ 酒○後○心○

情○嫌○我○怯○病○餘○意○能○要○人○憐○昨○宵○殘○夢○落○誰○邊○（浣溪紗）

鬆○髻○橫○釵○浴○後○妝○白○荷○花○滿○小○池○塘○迎○涼○坐○近○水○邊○窗○
月○上○漸

過○麴○綠○竹○琴○餘○添○燕○鷗○斑○香○昨○宵○殘○夢○費○思○量○（浣溪紗）

絲○雨○畫○闌○前○鶯○喚○春○眠○羅○衣○曉○怯○換○輕○絛○寒○勒○海○棠○花○一○樹○不○放

紅○嫣○香○裊○薰○鑪○煙○鏡○側○琴○邊○憐○伊○生○小○愛○詩○篇○豔○體○西○崑○三○十

六○自○寫○鸞○牋○（賣花聲）

入○鬢○湘○雲○黛○點○深○鵬○鱸○香○裊○薰○煙○洗○碧○紗○窗○榻○靜○惜○惜○長○愛○秋

涼○支○病○骨○偶○看○春○月○悟○詩○心○憶○裁○小○句○不○成○吟○（浣溪紗）

棋○局○安○時○約○小○姑○篋○紋○清○潤○翠○簾○疏○不○知○幾○道○笑○檀○奴○何○必○鴛

絲工織錦戲摹蜨影卻成圖拋殘尙有斷箋無（浣溪紗）

著箇朝雲錦瑟長冷蟬殘菊正驚霜薄寒分與嫁衣裳 親寫綠

箋教識字替揔紅袖倩添香織蛾月在西牆（浣溪紗）

畫樓如水春陰重流鶯喚起朝雲夢雙髻未梳時鏡花紅折枝

妝成閒佇立倚近熏籠側香潤玉羅衣薄寒宜不宜（菩薩蠻）

嬾畫鏡中蛾羞綴釵頭鳳折得花枝助晚妝香壓鬢雲重 坐久

裕衣涼夢斷紗櫺空獨上瓊樓倚玉簫和月和愁弄（卜算子）

曉妝濃抹遭花妒花殘賸有相思樹莫自捲簾看妨他玉指寒

鴛鴦金縷繡幅幅羅裙纒約略步生蓮香塵到處憐（菩薩蠻）

添沈水理瑤笙寶簾搖曳細風生
偷將離恨花前訴只恐鸚哥浪
學聲（搗練子）

花梢斜挂月纖纖繡綫才拋玉指尖
燕子瞋人不下簾悶懣懣翠
黛愁多不用添（憶王孫）

記得春閨初學繡花綳高似身長
金鍼拈得費思量不分花四角
何處到中央碧綠青紅親手理
殘絨唾上紅窗嬌癡渾未識鴛
鴦怪他諸女伴偏愛繡雙雙（臨江仙）

記得鬢絲初覆額綠雲低壓眉
齊人誇心巧有靈犀簸錢贏智姊
鬪草勝蘭姨月影一庭邀小婢
迷藏閒捉樓西往來花底影迷

離○怕○人○聞○響○屣○刻○鞵○上○唐○梯○（臨江仙）

記○得○水○紋○涼○不○動○一○天○雲○浸○魚○鱗○畫○船○欲○上○更○遼○巡○羅○衣○輕○似○葉○

香○借○藕○花○熏○忽○地○白○蘋○風○起○處○蘭○橈○吹○近○湖○濱○關○心○未○肯○采○紅○

菱○憎○他○絲○宛○轉○生○性○解○纏○人○（臨江仙）

記○得○雙○星○偷○拜○日○輕○開○榻○子○冰○紋○沈○沈○深○院○寂○無○人○生○憎○風○一○陣○

低○揭○藕○絲○裙○八○尺○藤○牀○紅○玉○枕○桃○笙○一○綫○涼○痕○恹○惺○夢○破○乍○迴○

身○鬢○鬆○誰○替○整○狼○藉○一○窩○雲○（臨江仙）

記○得○消○魂○橋○畔○路○無○端○細○馬○馱○歸○蘼○蕪○長○遍○舊○紅○閨○縷○金○箱○啓○處○

塵○滿○五○銖○衣○聞○說○犀○簾○紅○淚○漬○檀○奴○瘦○減○腰○圍○紅○牆○不○隔○燕○雙○

飛怪伊難寄恨只解啄芹泥（臨江仙）

睡碧衫嬌膩淚痕衍波箋贈詠花人心頭滋味贍酸辛 悶倚玉

闌思甚事祇因春去易銷魂夕陽紅上畫羅裙（浣溪紗）

低掩銀屏護水仙夜深明月到窗前姮娥心事沒人憐 欲墮燈

如紅豆小未灰心比綠梅酸避愁不敢畫眉彎（浣溪紗）

羅幃昨夜秋先透一燈涼殺釭花瘦無力卸殘妝桐陰月轉廊

愁多偏易醉悶擁香衾睡不道夢難成酒醒愁又生（菩薩蠻）

華堂宴罷笙歌歇夜深香裊爐煙碧酒醒小屏風燭花相對紅

玉釵金翠鈿柳葉雙蛾淺日午未成妝繡裙雙鳳凰（菩薩蠻）

翠衾錦帳春寒夜。銀屏風細燈花謝。鴛枕夢難成。綠窗曉鶯
愁來天不管。鬢墮眉痕淺。燕子不還家。東風天一涯。（菩薩蠻）
十二珠簾掩碧窗。嬾吟慵繡不成妝。困人時節日初長。湖水雨
餘浮鴨綠。柳絲風暖漾。鵝黃畫船猶記落花香。（浣溪紗）
青影亂。簾旌點點。春星碧。天如水。月華明。深院夜涼人乍定。吹墮
銀屏。闌外竹聲清。半臂紗輕。玉階猶憶那時情。團扇輕羅兒不
住。茉莉釵橫。（浪淘沙）
枝頭杜宇曉聲急。一簾絲雨和愁織。花事太匆匆。苔階駭落紅。
晝長春繡嬾。偏髻拖殘綫。斜倚小屏山。含情憶去年。（菩薩蠻）

睡起紅留枕上紋。病餘綠減鏡中雲。畫簾窳地又斜曛。倦蟻分
明尋斷夢。浮萍容易悟。前因無聊。天氣奈何人。（浣谿紗）

黃昏雨過流雲急。尋涼閒凭雕闌立。呼婢卷簾看池荷。香未殘。

閒庭蟬罷唱。月照梧桐上。花外數流螢。晚風團扇輕。（菩薩蠻）

籬外一痕殘。雪池上一丸。明月新種白藤花。不許小鬟輕折。休折。

休折箇箇養成蝴蝶。（如夢令）

鶯去矣。拋下青梅。又幾戲語小鬟來。拾起晶盤同燕喜。這在鞦韆。

鞦韆架底那在牡丹叢裏。半晌工夫尋見未。拈毫閒畫你。（謁金門）

簷鈴驚破紅闌夢。曉妝人怯。餘寒重。纖手卷簾衣。風前放燕飛。

中華民國十四年四月三版

綠窗豔課 (全一册)

(定價大洋三角)
(外埠酌加郵費匯費)

編纂者 吳門周瘦鵑

發行者 大東書局

上海北西藏路南公益里

印刷所 大東書局

上海四馬路中市

總發行者 大東書局

分發行所 大東書局

廣州 漢口
北京 奉天
長沙

版權所有 不准翻印

